



盤洲文集卷第十一

內制一

緣邊殘破州軍德音隆興元年

朕協奉慈謀務行仁政懼赤子之蒙禍敢起事端會
鄰國之厭兵弗渝和好比遣王抃遠抵賴瀆得其要
領而歸靡有毛釐之隱尋澧湘盟誓之信放大遼書
題之儀正皇帝之稱為叔姪之國歲幣減十萬之
數地界如紹興之時傳彼此之無辜約叛亡之不遣
可使端正之士咸起寧居之心魏祀使車已越疆而
通閭淮南侵騎皆空壁以退師重念數州之民罹此

一時之雞棲于或遭于煨燼田疇併喪其犁鋤老穉
有蕩祈之戎丁壯有係纍之苦三尺區薄千里絳騷
顧爾何辜皆予不德宜推洗滌之宥少慰凋殘之情
入款文于戲歌鴻雁之詩期莫桑麻之業息龍蛇之
戍俾無金革之聲尚冀瑄良之臣共敷汪濊之澤用
陶協氣復見樂郊咨爾羣黎體予至意

郊祀大禮御札

勅内外文武百寮等朕受

太上之燕詔宅域中之廣大將迎景至初款園丘念
報本反始匪尚乎虛文而交神塞明在顯乎誠意稽

皇祖之詔令敕攸司而討論凡策盛祭典則不改故
常若鹵簿賜式則俱從省約行潦潢汙之可荐斯舉
邗鼻駢駒鶯路之勿修敢勞民力燕亟蒙于繫社以
大庇于黎元豐年無患于蟲蝗斥候不驚于烽火遂
成庶事因荅鴻休大猷是盼先期適戒朕以今年十
一月二十九日謁款于南邗咨爾有司各揚厥職相
予肆祀罔或不恭故茲札示想宜知悉

郊祀大禮赦文

門下朕仰受燕謀獲承洪業刑六經之王制監百代
之禮文治壇燎以祭天警邊氛而遷日蓋昌陵始避

于近晦在太宗嘗改而用辛誠意動而一樣通孝道
專而九廟格致隣國講休兵之好寔上穹開悔禍之
期前事俱捐弗念手薄物細效烝民咸又靡分乎爾
界此疆五辰循雪夜之躔三白亦豐年之兆進玉卮
而介親守爰創緝儀偕椒屋以慶母慈有光徽躅祇
荷博臨之況敢忘昭報之度啓墊而知飭周人菓積
之其奉牲以告協漢世竹宮之時式履孟陬之端遂
遙先甲之吉靈心可卜帝武是繩乃東西極之驩用
絜一絕之荐款閔宮而朝獻假太室以裸將酌泂繁
不同之宜取齊戒自親之旨瑄璧纈桌權火配黎高

游渙渙臚所求美光旁燭百官濟：敬厥事熙典備
成載惟我宋之肇程廼當乾德之盛際法皇祖紀元
之義采義文行健之辭誕易嘉名以寧大器宜推作
解之宥益廣好生之仁可大敢天下其隆興三年改
為乾道元年於戲逆三神之釐既橫流于春澤接千
歲之統期丕顯于文謨尚賴臣隣協恭小大服采同
濟更張之治用承消選之休

郊祀前二日朝獻景靈宮 聖祖冊文

伏以丕顯聖德垂光在天源深流長基命積累肆予
微眇獲能宇廟神立備物亶惟其時沈：闕庭靈游

所御其香始升堯綽永福

前一日朝饗太廟 帝后冊文

伏以天祚炎圖聖、繼武盛德必百世祀是之謂流
先施及菲涼嗣無疆大歷服爰熙紫壇初交于神先
事一日入太室裸駁奔濟、列陳嘉邊假哉皇祖啓
佑我後人永緝熙于純嘏

別廟冊文

伏以燁、管彤車、坤極綏子孝子服堯之服上辛
改卜礼神頌祇潔粢廣壯既右饗之兆蒙祉福天下
艾安

郊祀昊天上帝冊文

伏以惟恭元尊丕冒下土旋轉三辰闔闢陰陽元功
無垠蕩乎難名粵惟冲眇繼天為子仰憑聰明求端
謹始茲報犧牲圭幣肇禮于郊遵筮非馨于荐誠懇
高、降監是饗是宜事親保民惟皇共右之謹以上
帛儀齊粢盛庶品洎選休成肅若舊典

皇地祇冊文

伏以至哉坤元穆、柔祇播生品彙配天其澤惟冲
人不德傳國于慈父用芾之古礼行于郊宴娛安鵠
粵其教不察時和歲豐皇建有極用永受于蕃釐

太祖皇帝冊文

伏以五季搶攘遠通如沸寔天生德經武緯文滅除
凶災用肇造我區夏燕及曾孫獲繩祖武崇其壇
陟配上帝庶幾臨饗克昌厥後

太宗皇帝冊文

伏以天造草昧聖武布昭帝卷辟授卒其伐功傳序
無疆于今九葉恭承禋祀瑄玉升壇烈祖烝哉克配
彼天子萬斯年介以繁祉

三皇太子冊文

維乾道元年歲次乙酉月朔日皇帝若曰在昔帝王

稽夏商家天下春秋之法立嫡以長主器繼明蓋取
諸震離所以尊宗廟重社稷也咨爾皇子少保永興
軍節度使鄧王食邑二千戶食寔封八百戶惜生有
異表序居上嗣敦厚溫文金昭玉裕問寢視膳則盡
綵衣之孝親師就傳則樂聖人之道令德逐日以新
英聲隨風而流元良正本久矣僉望朕服克之服兢
、四載仰奉 慈訓肇闢春闈協華復旦日宣重光
懿哉鏗宇有國有家之慶也是用撰嘉辰御路朝盛
儀備物迎休于乾以冊命爾為皇太子于戲志爾心
修爾身勿蹈非彝勿通邪佞惟誠可以格物惟仁可

以濟衆正言正道閔斯行之敬之哉用永我祖宗之
丕命

除張浚少師保信軍節度使判福州依前魏
國公加食邑寔紂制

門下宅百揆而督立兵正賴籌邊之效冠三狐而張
六蠹曲陰制閫之權我有明綸賜于拱著具官某材
尊王佐道聳民瞻節操堅剛曾歲寒之不改規撫連
太宰日灰而逐依蚤逢陽九之交上鷹魁三之衆叱
王尊之取巨井終以蜚聲下穉僕之船空潢池而掃
復更險夷而一致謂文武之兼資粵從綏野之游殆

為蒼生而起肆予嗣服即俾來朝提江淮表裏之封
盡顯總統佩將相安危之寄式重倚毗三年于玄庶
績用入蒐乘補卒亦既輸勞增俾浚隍未嘗微訾孟
明報彭衙之役獨負杜猶武侯引街亭之愆靡形愠
色朕念疆陲之久戍詔師衆以代更分遣從臣往宣
使指棘門如兕戲耳席謹秋防袞衣以公歸兮庶聞
辰告曩、覽指瑕之効且披請老之章欲畀舊官蓋
無故事是用出楓宸之異渥超棘位之魏班盪節有
光擇合肥之名鎮甘棠弗翦臨長樂之价藩紆以圭
臆侈其真食于戲春秋責備于賢者慨功業之惟艰天

子加礼于大臣固始終之不替其綏吉履毋有迴心
際湯思退都督江淮東西路建康府鎮江府
江陰軍江池州屯駐軍馬依前特進尚書左
僕射同中書門下平章事兼樞密使岐國公
加食邑寔封制

門下位上宰而通四海久成調鷹之功開莫府以督
諸軍有賴止戈之略參考古今之制獨顯內外之權
式倚宗臣用凝丕烈剛辰允協顯冊具宣具官某學
博而識明器宏而用遠稟五行之間氣蓋鬼外而翔
中有四輔于兩朝寔空前而絕後主盟公道社稷偉

門業可侔於臯叢言必稱于堯舜當羣疑之未定每
潛畫而有餘事不一書既鏗鉤于竹帛智惟千慮迄
契合於著龜李高夏國之夙違恤盈庭之咎樞机周
密猶神爵五鳳之時廟堂雍容增大呂九鼎之重臻
茲殊效本自至城朕獲績皇基常懷戎事顧遠塵之
未靖方議尋戈總兵柄而非輕孰能知衆若時英袞
正翰洪鈞文武為憲萬邦真有兼資之美精神折衝
千里當收無競之勳蔽自手裏諧乎人欲俾仍提于
相即往盡護于師干煥秦階三台之躔益陰瞻仰括
尺藉伍符之數咸聰指麾自然增氣于統緒何特知
卷十一

名于草木仍陪井戶併衍爰田于喜兵事節度皆付
公若豈從於中御天下平治誰舍我爾益勵于遠猶
緬惟其儒寧煩多訓

除揚存中都督江淮東西路建康鎮江府江
陰軍江池州比駐軍馬依前太傅寧遠軍節
度使和義郡王加食邑實封制

門下聽鼓聲而思帥孰能折于遐衝賜斧鉞以視師
殆無踰于英望仍其制閫寵以揚廷真官某識遐而
明氣剛以果敢颺朔野知虎頭熊領之名書受印沂
非夙角鳥占之術勇鬪羸萬人之敵洪鍾銘百戰之

勳左右凝嚴掌西漢羽林之衛始終福祿繼汾陽異
姓之王近整轅門外開幕府飭備有金湯之固分屯
如箕翼之形過彼北鄰制于悍將靡思踐好不戒窮
兵若字斗之妖星有踰淮之條騎雖丞相一勞弗憚
偶未禍牙念元戎三今已行宜申泥轂戍戔獨任可
以有成是用誕奉徽章特隆異數頒錫盾雕戈之柄
增淑旂元衮之威泥國家或置督軍皆宰輔用之立
武惟此總干之命是為絕席之思更廣圭臬益光竹
帛於戲諸將于是皆以兵屈朕既付以重權不
滅無以家為汝益追于前哲必圖來效庸副眷知

湯思退罷尚書左僕射同中書門下平章事
兼樞密使特授觀文殿大學士提領江州太
平府九年興國宮依前特進岐國公制

門下冢宰佐上治國意實注于安危大臣以道事君
時具瞻于進退睠惟雅望久翔繁机既殫上印之誠
宜厚秉鈞之禮誕揚坦制曷告羣工具官某器宇清
明材猷超詣樂堯舜之道阿衡專美于有商品淵騫
之篇揚雄度越于諸子軒然後域籍甚要津烜赫北
門傲然綸于雅語從容右府運帷幄之良籌結
慈陞之深知應台階之上象粵子纂紹復俾贊襄積

熙載之忠規罄安邊之潛慮循名責寔所期公耳忘
弘應變守文常以今而視昔方即成之無間何別去
之甚堅選衆舉臯陶住蓋尊于一相事親若曾子養
已泊于千鍾遂其膏藥之懷失我和姜之助茲推渥
典用責歸途鼎秘殿之崇資食珍臺之優祿式篤股
肱之美以全體貌之恩於戲明哲以保其身靡失青瓊
之舊嘉愠不形於色可娛綠野之游無起遐心斯能
終譽

除陳康伯尚書左僕射同中書門下平章事
兼樞密使依前少保進封魯國公加食邑寔

封制

門下咨四岳有能奮庸寔係朝廷之輕重圖舊人越
惟共政允藉老成之典刑允諧虛左之求蓋積處中
之望誕敷渙冊亶吾所廷具官某用博而適時量宏
而容物聞與莫窺乎畛域收隸皆知其清明學過况
雄貫古今之千載道侔伊呂踰前後之數公咸德
慈闈有聲揆路如著龜之決事以柱石而尊朝胡騎
投鞭軫抱火浣薪之慮周京莫枕賴洛川作楫之功
輔我童華歷夫再歲轉洪鈞之一氣埤北無私陳泰
階之六符規摹可久方焦心多壘之日豈袖手束山

之年申戒使軺趣迎公衮庶交修于內治能潛弭于
外虞是用再冠魁衡仍司樞筦侈多田之真賦荒大
國之新封以昭物采之儀以寵崑廊之寄於戲武丁
得一傳說斯商道之復興江左自有夷吾宜晉人之
相慶而惟敬明乃訓邦其求字于休

大同軍節度使提舉萬壽觀蒲察久安進封
聞國侯加食邑實封制

門下朕虔卜上辛肇稱元祀合圓五方澤之祭誠格
萬党倡七始華始之聲孝臻四極既洎成于綉典難
專鄉于蕃釐式獎庵臣誕敷五號具官某性資純固

氣識靖深灌爪昔在于边亭前在來歸於樂土陪周
行而甚久知忱節之可嘉不願望以事君遠追大
以篤敬而傳國將若稅侯茲推賜昨之恩用答奉宣
之助乃荒侯社併廣戶祖以彰忠術之行以示褒章
之勸于戲甘泉歌鄒音之樂爰布青陽之拱徐廬同
僕黜之封有加白馬之約徃肩忠報永迪燕康

除吳璘太傅依前奉國軍節度使四川宣撫
使領御前諸軍都統制充利州西路安撫使
判興州進封新安郡王加食邑寔封制
門下擁齊鉞以護坤維夙賴長城之扞奉介圭而朝

魏闕宜膺華袞之褒既絕席之殊恩講臨軒之顯冊
延洎剛日用詔羣工共官某忠義本于天資智勇謂
之人傑書傳圯上非鳥古雲後之文氣蓋閔中罔玉
璽銅梁之園乘邊茲久按堵如初左啓右肱聳戎車
之四牡前兄後弟超轅門之二龍靈旗遠憺於雄被
桑器屢銘于洪代寬手憂顧時乃勲庸爰注想于英
規俾來趨于名節馳驅萬里恭謹一心周邦戎有良
翰輿人咸喜吳公隱若敵國奕葉相望嘉幅臆之牡
猶稱魁梧之異表蓋盼徽數庸答元功象崑西扼鹿
上公于台宿苴茅裂壤開異姓之王封衍彼生畝敦

其井賦以重登坛之寄以隆制閭之權于戲戢弓矢而散馬牛方審包桑之意被介冑而上凱殲敢忘細柳之勞牲服宓光式酬親倚

保平軍節度使龍神衛四廂都指揮使提舉江州太平興國宮王彥加食邑寔封制

門下魯人類帝用駢剛于上辛漢代祀夫歌青陽于肇歲朕考前王之成憲遵烈祖之丕謨迺逢祈穀之辰獲展欽榮之禮夏彰景况普洽餘區有若勁臣可稽渙命具官某識潛武志材壯戎昭從枕席以過師屢書功伐執干戈而衛社嘗護邊陲久分齋鉞之榮

曲遂叢祠之佚茲推茂渥不替舊勛用增采邑之封更侈食田之戶以廣逆釐之慶以申賜祚之恩于戲開天庭以延羣神既格宴娛之美建皇極而欽五福厥敷矸隱之休絀服輝光益驂蒂祿

推誠順化崇義懷惠保信嚮德安遠承和來禮歸仁協恭勵節繼美功臣靜海軍節度觀察處置等使特進檢校太師安南都護土往國南半王季天祚加食邑寔封加遵度功臣制

門下朕卜辛日而用郊獲逢嗣歲陟午階而奠幣仰

格飈游幸熙典之消成與殊方而同慶具官某性資
純一節槩沉深紹奕葉之勲庸守藩條之信誓仁惠
周于南紀聲明慕乎中區葦畫航琛不懈朝宗之禮
撞牙茸蘂所資屏翰之雄視槐庭霖雨之臣兼柏寺
風霜之職寵之憲社度若撫封茲循飲福之文用益
紀功之號陪之外戶侈厥其舍以褒侯度之恭以表
靈釐之廣于戲主祭而百神咸享敢專紳于萬祥昭
德于異姓之邦豈遐遺于四裔具迎戩穀水底榮懷

盤洲文集卷第十一

盤洲集卷第十二

內制二

撫餘四川軍民詔

朕嗣守神器于斯三年廼睠坤維邈在萬里會違虛
之未靖致戎備之不除乘塞護閩久矣采薇之戍喻
山越谷遠哉翰粟之勞或郡邑不值于循良故田里
尚主于愁歎茲選近臣之考往專外聞之權挾績以
慰軍情下當戶曉褰帷以求民瘼大則驛聞推吾軫
卹之思酌以使宜之制必令四境之按堵惟恐一大
之鄉隅僥休息之有期庶榮懷而相慶

戒戒賦吏詔

朕聞先王之時人有士君子之行在位者皆節儉廉
清水霜其操羔羊素絲之詩所為作也今則不然貪
夫徇利廉恥道喪豈以廣田宅厚妻子為計穀壑無
厭浸不忍憚甚者掩公帑之積私倉庾之贏賦民利
下浚其膏血嗚呼豈設官之意哉朕自臨御以來崇
儉德錫浮賞庶幾淳風厲天下姦賊之吏未有聞而
不治然連辜相繼何耶是朕德不能化罰不能懼也
古者刑不士大夫唐虞畫衣冠而民不犯孰謂搢紳
之士心無姚耻不若古之齊民欺夫光甲後庚申飭

教告而抵冒不已至于用法豈得已哉凡我諸臣其
洒心遷善勵淳白之節副槐核之政以長保其祿位
無或不悛奸我重辟播告中外使明知朕意

激諭將士詔

朕祇奉慈訓嗣有基業永念祖宗陔寢朝猷路絕黎
元塗炭比戍未休朕為人之後而不能報上世之憤
為人之君而不能振斯民之厄故食不知味寢不安
枕木嘗以尊位為樂也特以戰爭文役肝腦塗地不
忍南非之人枉罹非命自即位以來兩發聘使冀尋
舊盟而鄰帥王兵及境弗納迨行人再往始則立式

邀求繼則迫脅囚屏股以兵陳肆開隱忍自屈仍遣
魏祀術命復行不較禮文書辭屢易不愛四郡割以
奉之乃渝元約又求商州且索臨陣係虜之人是其
更變無厭必款尋鬻初無休兵結驩之意今使命逗
留議論不失積粟出船包藏罔刑服以
太上聖意不敢重違而宰輔羣臣前後屢請已盡依
初式再換國書歲幣成教亦如其議在我可從無一
顧惜若彼堅欲商秦之地俘降之人則朕有以國甕
不能從也儻或不諧前好至于交兵天寔臨之非朕
得已想彼兵民厭其黷武亦當嗟怨况我將拔六師

受國家爵祿之久忠義所激自應奮勇捐軀為國雪
恥夫立非常之事彰無窮之名曠賞厚賜朕不敢吝
嗚呼兵凶器也朕既無德以修二國之睦又無威以
寢敵人之謀時當三冬而使軍士有暴露之歎人民
有轉輸之勞害貽爾衆痛在朕躬凡百臣子當念興
帥用衆匪朕本心我直披西動則有辭共輸報國之
忠永享安居之樂

撫諭歸正將士人民詔

朕遣使約和首尾三載北師好戰邀軌不移自虛仲
賢初議則有畫正數事叔姪通書之式唐鄧海泗之

地歲幣銀絹之數及緣邊歸附之人朕志存好生寧
甘屈己書幣玉地一一曲從惟念名將貴臣皆非方
之豪傑慕中國之仁義削去左衽投戈來歸與夫軍
士人民厭厭腥羶喜我樂土朕知其設意欲得甘心
斷之于中決不復遣前後書辭再三峻拒故彼逞怒
無厭入我邊境若朕利于和好之速成不願招懷之
大信依隨所欲驅迫北歸則與淮北之民同為魚肉
矣爾等當思交兵釁隙職此之由視彼如讎共圖掃
蕩高官厚賜自有明科傳之子孫永保寧奉天地監
照朕不食言

親征詔 不付出

國家一祖八宗積累基業至于

太上傳序在朕乘大 亂 之後境上裂為南北陵

園廢於丞嘗二帝蒙塵終天抱痛皇族荼毒所不忍

名自踐位以來其心疾首思欲報皇祖之讎快四海
之意而蕙闡務行仁德羣臣多主知議朕識不能料
事誠不能柔遠屈己尋盟及墮姦計今彼擁眾涉淮
化我郡縣尚猶遣介持書邀索降將朕寧與之百戰
豈忍驅逐歸義之士俾就屠戮昔春秋之時鄭小國
也介居晉楚之間城下之盟君臣同恥收令餘燼尚

能成功朕今不冒東南幅員之廣帶甲之衆若忍辱
事讎不圖一戰豈不貽萬世議已稽考故事展却祀
之期朕將親臨江淮率勵六師用行征討凡我文武
軍民懷十聖二百年涵養之恩痛中原四十載左衽
之難奮忠出力不與戎仇俱生大可以成功名而取
富貴次可以寧父母而保妻子豈夫后土實佑此行
布告迹遐使知朕意

視師詔

朕以南北生靈久若兵革會敵帥有通和之議不憚
屈已委曲如約既得四郡尚復邀求書札方來兵鋒

已接朕誠不能料事誠不能格物志在尋盟及墮其
計使我士卒暴露民庶沅離發夜痛心嗟嗒何及已
稽典故改下南郊將臨江淮親御戎輅師有曲直蓋
不得已几戎文武軍民懷十聖二百年涵養之恩憤
中原四十載分裂之難奮忠出力勿負國家大可以
取富榮而未功名次可以寧笑母而保妻子皇天后
上實鑒此言已令有司擇日進發所過務從節省茲
不得有所搔擾布吾通遐使知朕意

又視師詔

朕以連年用兵戰士苦于暴露兩國交惡居此不能

艾安會北帥之欲和走行人而純議凡往來之要約
皆委曲而聽從即歸四郡之疆庶結方年之好豈期
得地又復踰淮書札未回兵鋒已接使師旅冒于天
石生靈失其田廬嗟爾何辜由吾不德想逆寇之阨
晚空蚤夜而痛心已展燭柴之期將尋細柳之舉親
秉戎輅用靖邊塵大師克在和理自分於曲直兵塵
者勝鑿可質于神明勳蓋有辭事非得已惟我荷戈
之衆士推轂之勁臣懷累聖三百祀函養之恩憤中
原四十載分裂之難相勉忠義共圖功名捐蝨蟲之
堵虜所當驅逐若熊羆之奮力豈畏艱難

改郊祀詔

朕惕臨寶位始枚秦壇已救攸司肅蒞粟盛之備
將因長至展昔蕭至幣之誠貪有邊烽尚馳羽檄方
治勞軍之計恐虧類帝之儀蓋事既闕于甲兵則心
不專于齋戒若昔魯史札屢變于卜郊惟我昌波日
嘗移于近晦况當至道之載適值繼遷之虞詔以來
春行茲元祀舊章具在故事可稽參兩朝烈祖之規
改嗣歲正陽之日庶幾祇敬可荐馨香宜頒一札之
蓋用諗四方之聽

改上辛郊祀詔

朕比以軍興來皇郊見款謂建巳之月已戒先庚之期宰消拜于外虞懼稽遲于大報敬推元日正得上辛合魯經啓誓之文法周室用駢之禮神釐可逆猶漢帝拜于甘泉祖武是繩蓋太宗行于至道式從改卜度奉昇章

皇帝荅皇后詔

勃重居夏氏朕祇臨宝祚功展履容涓肇歲之上辛得元日之吉亥嘉憲荐饗雅樂絳和曾霄至明概之祥翬寓洽厖鴻之慶端由內助獲奉精禋載閱芳玉益深褒詠

賜王彥獎諭詔

軍律之弊久矣握兵者皆公狗私相師成風朕當饋而歎將誰使革之卿智勇篤誠、西之築台自萬里倚重江介不唯賴卿威望籌策以訓兵固圉亦欲務令配律為時標準也故將之失偏俾輿年紛然升進羸弱冗食者衆曾未經意卿甫入轅門即能釐正忠寔奇嘉不負親擢大志如卿朕何憂焉

賜劉宝獎諭詔

古之良將心在國家者當待敵之隙必以死日為事余茲塞多曠上朕欲舉行便宜十二利進九卿持節

商度之未有大將奮然為諸軍倡奉卿公體國自請留
此將以豐邊儲而省漕輓與避難懷誕者殊科至于
修治障隧汰簡將士咸振闡外之職忠勤如此朕甚
嘉之

賜王彥威方時俊皇甫倜獎諭詔

淮之西瀕塞數千里朕留意戎備不敢怠異時將師
不以國事馬懷視它壤有故陰拱而不血若秦越肥
瘠者有之卿提兵汧城狼于忠赤列成同心謀無崖
異興治關隘修設烽燧所以固封守杜倭軼勢若常
山之蛇諫大夫諭使指而歸具為朕言之防邊有賴

嘉歎不忘

賜潘清卿等乞以秦國大長公主所留金銀
助視師搗勞之費不受獎諭詔

漢武帝時午弋日滋大農所儲不足以奉戰士至取
御府禁藏以贍之而最貴高訾之家不收一毫以佐
縣官之悉輕財體國四海之內卜式一大而已耳卿
等威畹之旁心在王室願輸橐裝以助軍須忠欵如
此與熾畜為戎者殊科願卿親有陟屺之難養生送
死之費未艾也朕亦安忍取而用之鰥不恤緯化殆
斯言戴覽所陳不忘忠罔

賜吳璘為發遣吳拱於祁山堡等處掩殺番賊大獲勝捷獎諭詔

強虜騁兵騷我四鄙廼瞻西岳之遠尤深中吳之憂卿忠智報必策慮趣卒遣發將士勦中事機祁山之役人省斬獲捷布既至良用歎嘉所期元戎殄殲魏類用馳一札少寓褒懷

賜吳拱于祁山堡等處大獲捷獎諭詔

敵人寇邊再變舟律將帥罷怯未成偉功朕當饋而歎時無頗牧賴汝父子家傳方略式授智勇必能為我將西鄙之患果聞捷音大翦撓佯更期盡力勿使

生存國百恩章朕所不惜

賜王彥時俊戚方獎諭詔

夫設險隘以固國嚴烽火以守邊自古不易之道也卿董我師旅久屯于淮外無天吠之警則已賢於長城矣輔臣有言汝悉心竭力修障隄備塞之具無一不治嘉汝忠勤喜見于色金帛之賜庸亦眷懷見知則記尚其勉之

賜姚憲乞以糴列米一萬石助平江府常州

闕乏獎諭詔

夫以鄰國為壑者徒知守為我視越人之瘠者不足

以語仁角治郡可稱救菑有術損贏餘之萬斛助比
近之二城免吾移粟之憂嘉甬汎舟之役用頒細札
以示褒懷

盤洲文集卷第十二

盤洲文集卷第十三

內制三

賜金安節辭免吏部尚書兼侍讀不允詔

勅安節省所奏辭免除權吏部尚書兼侍讀恩命
具悉朕唯六官之長莫非民譽三銓之柄尤在得人
以卿篤寔側方賜聲中外再儀禁路迄今累年石畫
嘉謨握公守正瑣闥之望如烏臺時松柏後凋在廷
寡二小天典選見謂瀆平申命于茲作戎常伯震門
進讀北列益尊奚為執謹尚格成渙所請宜不允
賜徐材辭免給事中不允詔

朕曩惜名器不輕假人 橐才難寧祠印而不予卿
易之通諱為國老成勇退再三色無喜愠久不見賈
形之寤寐瑣園虛位無以易卿苟克引疾未聞命駕
一節以趨賞事斯議

賜張浚再辭免惡命不允不得再有陳請詔
王者守文公之道用檢不可以私君子高易退之風
出處誰得而議卿三朝舊德四海美名雖嘗垂翅于
回轂必欲快心于琅望掌握重任勤勞累年精神既
所于遐衝體貌宜加於異札存披來奏未諒茲懷亟
祇渙汗之恩可絕謙撓之請

賜張浚第三辭免惡命乞致仕不允不將更
有陳請詔

朕去月丁丑嘗告大昕之庭以戴公極品重鎮節旄
賁卿七閩之行卿迺輕軒免薄方面殆欲長嘯東山
繼韋賢流廣之迹儵然之志卿則高矣美矣人其以
朕為忘者哲而忽典刑也三章固辭命不可及

賜兵部尚書湖北京西路制置使虞允文乞
宮觀不允詔

朕以邊陲未清戎事為大專聞重寄倚我寶臣卿潛
筭可以料敵雅望可以折衝備禦之策厥有功緒褒

漢仍年無父仗之警賢長城遠矣需封再至迴款優
游林壑以成易退之名將使朕焦心西顧日昃不得
食于汝安乎少須艾寧歸斷國論

賜資政殿學士知潭州黃祖舜乞宮觀不允
詔

長沙壤閭民繁一都會也夷獠錯雜其間連率不稱
職則有莽兵小澤之憂卿機宥之老望實隱然息偃
于蕃效見寧謚朕方以得人為善貢章句閔難以曲
徇

賜汪應辰辭免敷文閣直學士四川安撫制

置使不允詔

坤維之壤邈在一隅方伯之權隆于九牧卿有尊主
庇民之學員昂霄聳壑之材偃藩綏年方駕前哲將
馳一節入補從橐之虛乃睠四州會有高牙之闕與
其尊朝以納朝夕之誨不若制閫以寬霄旰之憂萬
里甚勞此行六問未足為氣如尊乃勇願蜀道以何
難維周之翰使雪山之益重

賜宰執湯思退等乞全免南郊支賜不允詔
朕將執儀牲圭幣初見上帝寔賴三、股肱之臣秉
德顯相以殘祠錯事卿等行為世表濟武儉德匪頌

之式三分損二仲春丙子制書著為令矣忽攬來贖
又欲惠免所賜雖由表體國陳義甚高若盡廢舊章
殆非中道

賜龍圖閣直學士趙子滿辭免知福州不允
詔

七閩居鯨波之濤亡命者或沈浮其間必咸愛而全
能蘇括鋤姦然後勝連率之任卿材堪理劇所至瘡
人尹京之美如漢趙張弭盜鄴川桴鼓不警從鎮有
命宜疾其驅毋使吾民歎於來暮

賜戶部侍郎淮東宣諭使錢端礼乞宮觀不

允詔

朕垂意邊防日吳或不暇食自淮以往簡兵調馬豐
財積粟謹堡障備器械其素定之策固已斷然于中
卿智略輻湊有憂國之風咄空言務寔用朕故輟之
論思倚以治外雖官以諭指為名寔行督軍之事卿
叱取甚勇圖上方略剴剔蠹弊咸契朕心迨歸奏陳
備見計慮歲云秋矣豈以疾求去時即日行再行寬
我憂顧

賜錢端禮辭免吏部侍郎不允詔

卿學問淵原于今古論議燭察于是非再掌民曹久

勞心計出使淮甸如朕親行念累歲之用兵獨武銓
之撓法社者徽幸而得志吏或竝緣而為姦非資通
銖之材曷敢放紛之弊雖然少進蓋匪起迂何須踵
故之辭尚事循墻之避

賜戶部尚書韓仲通辭免荆襄制置使不允
詔

善保家者必固其四壁然後穿窬之患可弭善養生
者必衛其四體然後晦明之疾不作朕軫慮邊陲常
若臨敵東起淮泗西抵秦蜀以吾三從臣分專閫之
權矣襄漢介乎其中餘地數千里百將所屯揮隨相

指麾總統厥寄非輕卿蚤歷險阻能知兵事久儀集
路備見嘉猷憂國倦寤寔惟素緼折衝制勝倚俟茂
勳上膺執諒迺為稽命

賜尚書左僕射湯思退生日詔

仲商之吉清叅將中詠茲殺之降神夢傳巖之賚彌
有若伊陟格帝式賴宏撫可與王喬爭年宜膺壽嘏
迺申蕃錫庸體睠懷

賜皇兄岳陽軍節度使開府儀同三司居廣
生日詔

九秋強中萬室寤成惟時宗英集此間氣庸舉廩庖
卷十三

之賜以榮孤天之辰宜恨寵光用迎昌熾

賜崇信軍節度使開府儀同三司充萬壽觀
侯趙密乞致仕不允詔

卿識潛李法名壓花卿蚤揚貝冑之威入護羽林之
士伍符甚整師律可稱茲間館之均休俾所朝之借
重據鞞矍鑠誰謂伏波之衰扣楫掃清未減租生之
志奚為上牘遂欲挂冠益務葆窶毋輕眷倚

賜吏部尚書金安節乞致仕不允詔

朕讀詩至于雖無老成人尚有典刑書至于尚猷詢
茲黃髮未嘗不輟卷三歎益養老乞言古昔之冷典

而限耳致事仕進之常規也禮經之制廼為錄、凡
材我之在得者設若不得謝豈虛文哉卿年高德邵
名聲四馳魁聖尊朝徒得君重今百際楹然神佩相
映顧不能容厖眉一老以表儀班列邪捨朕而去人
謂斯何

賜賀兄中赴閔詔

朕總攬紀綱規恢緒業思得黃髮台背之傑等我朝
廷若睹景星鳳皇之祥編之圖諱卿器閔而用遠奈
廣而聞多道可侔於臯夔言必稱于堯舜清節懿行
表諸荐紳說論嘉猷爛其章奏令德無古今之間美

教洽中外之傳崇易退之風尚抽簪於壯歲佐更張
之政實補衮於

慈闈有懷典刑每勞注想茲借露門之職俾均雲閣
之休蓋大臣以憂時為心非常人拘謝事之制旣期
朝夕之誨毋託春秋之高安石將如蒼生何唯循牆
而固避魯人猶望高于也其叱馭而疾驅特講舊章
始胎溫詔睠惟碩輔必體至懷

賜湯思退等為水潦害稼待罪不允詔

朕德不足以感名和氣廼邪陰奸陽常雨為罰水不
潤下傷我百穀今駐蹕于茲吳中蓋根本之地而膏

腴之鄉也歲一不登如公私可卿等宜圖內外之治
思政利之失求揅蓄之方叶心力行消去變異以副
朕應天憂民之實合辭用咎非所願聞

賜男思退等為水潦再上表時罪不允不得

更有陳請詔

朕以政之失中外不就下思銷復之策方盡心馬引
奕調之譽既聞耳矣菲躬有過宥輔何嫌解琴瑟而
更張賴于協力瑞印綬而自 勿復費辭

賜趙密辭免少保乞守本官致仕不允詔

卿執戈衛社有籍甚之雄名結髮從或迨皤然之暮

景久奉祠而均佚忽貢牘以遺榮衆請既堅去心莫
過茲陞華于亞保用疏寵于老臣何須偃倭之詞未
休寵光之意亟其祇服夸彼茅夷

賜金安節辭免敷文閣學士不允詔

疏廣盛東門之餞觀者皆賢孔殘懷北陌之游去之
何臬卓然夙望踵此高蹤即道不詭隨言皆至當烏
臺謬、寧仰厥而退歲青瓊節、寔剛方之素縵良
金既已百鍊喬木聳其千尋忽輕禁橐之榮遂起安
車之與念羽儀之迫賴况筋力之未衰屢撫悅封勉
從雅志雖無人乎子思之側長者不留抑使親聞伯

夷之夙頑夫丕變用路內閣之職俾對昕夕而歸優
任子之常科盡貪賢之與禮尚勞冲挹曷副春私

賜虞允文辭免顯謨閣學士知平江府不允

詔

卿名馳禁路材軼英躔羽扇綸巾嘗掃舟中之敵輕
裘綬帶天宣塞上之勞會吳郡之閨人聽輿言而出
命陟之內閣重我輔藩使道路不復拾遺則京師于
是蒙福事無可避行也勿遲

賜賀允中辭免落致仕提奔萬壽觀兼侍讀
不允詔

朕願見耆艾不啻飢渴惟時舊德近在數百里開迺
下天一之詔使之乘駟遷明濟我國論卿左右承弼
天下達尊聞命幡然朕心以悻悻不忘君真古之
所謂忠臣也歟祠庭經幄何以辭焉

賜皇子瑱洮軍節度使開府儀同三司秦王

生日詔

節兩間而吹律式對盛秋良三索而得男是占吉夢
惟璿源之毓粹宜負闕之延休爰飭恩盼以崇壽豈
賜資救殿大學士左通議大夫致仕賈允中
辭免知樞密院事兼權參知政事恩命不允

詔

朕假人不以名器寧或虛負執政其猶股肱相須成
休春本兵之任重久選衆而才唯既得老成之典刑
必敘樞机之周寮卿忠在王室行如古人博物洽聞
言謨有補于世獨行持立卷舒不隨乎時造朝無俟
駕之淹接畫非括囊之比蔽自朕志冠于宥庭仍參
豫于大鈞迺弼諧之舊物紀綱益振惟幄可尊亟祇
兩命之榮勿執三休之美

賜淮東宣諭使錢端礼乞罷遣不允詔

趙營平畫軍冊是其計者初什三中什五最後什今

宣帝聽之不疑故功名垂于亡窮卿銜命治邊于今
半載忠謀僭畫纖悉曲折犁然當于朕心公卿議臣
亦未嘗有異同之論也何疑上書遂歆解印綬去朕
方治使者車結二國之好庶幾邊城有晏閱之期大
為山九仞功虧一簣毋憚小留以訖成績

賜起復檢使少保威塞軍節度使充河非路
招撫使建康府駐劄 御前忠毅軍都統制
蕭琦乞宮觀不允詔

朕措高爵推赤心以待將帥熊羆之士無此疆百界
之殊庶幾得人心金日磾渾瑊等輩宣力成功方駕

前古卿號毅冠軍策略深遠銳然右任不爽初志入
對便朝誠諒有餘朕所以寵之齊壇授之將鉞冀汝
忠義奮發副我倚信神明扶持何患不已求閑之事
勿敦虛支

賜太傅寧遠軍節度使和義郡王楊存中生
日出餽詔

日躔井宿對桑弧蓬天之辰天佑將星得燕頤虎頭
之相晏昴紀殿巖之績衮旒榮王社之封恩錫有常
壽域斯介

賜張浚辭免少師保信軍節度使判福州恩

命不允詔

朕以卿近年督軍殫耗心志復調台鼎坐不煖席跋履江淮之間夙纒露沐亦已勞矣方趣來歸而抗章再三欲追赤松之游詔旨雖頒顧不得而留也躋榮亞師蓋非常典畚鍤之拜在儒者則以少為貴始終眷遇所以寵卿之歸抑無負矣全閩之寄慰彼去忠又何以辭為

鹽州文集卷第十三

鹽洲文集卷第十四

內制四

賜少保觀文致大學士充醴泉觀使福國公陳康伯辭免判紹興府不允詔

卿道蘊憂龍名參魏虢父處中而當恟能亮采以惠疇懷赤松之游遂輕元宰享綠野之佚既閱三時曠岳狩之輔藩起嚴瞻之舊德九禡牙而為重茲擊柝之可聞尚馳稱疾之章木動趣裝之意先一州而後天下已有媿于是言閔九里而福京即豈遂忘于斯世即期引道勿事循牆

賜知樞密院事兼參知政事賀元中乞依舊
致仕及還納前後錫賜恩數不允詔

卿夙鍾粹絕之材內抱經綸之志鍼膏肓于泉石惠
然肯來訪講謨于廟堂酌焉不竭政賴同寅之助庶
圖再造之勳又欲桂冠曾不暇席豈朕尊賢之礼有
所未至而卿致至之道亦不克終勿輕去就之懷有
負倚毗之意

賜左僕射湯思退辭免郡督江淮軍馬不允
詔

夫有文事必有武備孔子所以克齊無智名而無勇

功張良用之興漢雖戰陳不建胡蓋之學而籌策自
高帷幄之中顧方略之何如豈儒術之無益卿臨机
有斷燭理甚明已能制勝于兩楹何憚啓行之十乘
惟善致君者必欲立事恐不知戎者謂之辭難宜略
搗章以圖成效

賜少保 信軍節度使趙密辭免落致仕權
殿前司職事不允詔

昔馬服善兵能成閑與之績營平雖老不憚金城之
行以卿久護周廬屢專勇爵必能追于韋祖尚有志
于膺公廼出異恩俾還舊服無謂掛冠之後遂忘持

戰之忠其休春怀勿拘辭避

賜太傅寧遠軍節度使醴泉觀使和義郡王
惕存中辭免同都督江淮軍馬不允詔

朕留神以治軍政拊辭而思古人命丞相以重帥將
展百邊之饒有元戎而共服更增小東之先卿甲令
稱思太常紀錄御名深遠洞龍致應敵之機福艾奇
庖得虎頭食肉之相當兵革木能休息豈英傑可以
韜藏謀上將以戴元台賢長城而開大府幾萬全之
良策成七德之叅功渙命已行謙辭勿講

賜左諫議大夫淮西宣諭使王之望辭免參

知政事不允詔

卿秉駟馬車入蜀十年之間徧持使節兵民疆場之
事無遠近巨細皆知之而學可以伸其志文可以暢
具說材可以任重致遠謀可以見微始隱那家之桀
君子之光也諭指淮孺邊備其設奏函鼎來較食嘉
歎興其外治于軍政不君歸協于廟謨蔽自朕心跡
之兩地夫君臣遇合千載一時翹裝亟來勿執謙辭

賜吏部侍郎淮東宣諭使錢端礼辭免兵部
尚書都督府參贊軍事不允詔

大能折衝者君子之謀不避難者忠臣之職卿受任

撫邊志心盡慮城隍兵甲芻粟之事處之善矣朕以
交鄰之始將帥之心未一故督府以重其權命爾
為大司馬以贊之庶幾制勝定功舉無失策再三稱
疾朕何望焉

賜左僕射湯思退乞罷机政不允不得再有

陳請詔

大丞相所與朕決中外之計以身為天下安危者也
君臣之間無纖介猜嫌何為連章直致尋印朕焦心
勵精內修政事邊衝固圉外治軍旅以文武二柄制
屈任一相庶幾通安遠肅莫枕于京使朕仰有以奉

慈闈之歡俯有以遂元之樂則卿亦有無窮之聞
也夫忘臣在剛該猶不忘其君卿圖回廟堂任重濟
難勞亦至矣無謂大雅保身而輕為此去就也

賜左讓儀大夫充淮西宣諭使王之望再辭

免參知政事乞宮觀不允詔

御稟川嶽之暉有公輔之器英名擅乎中外與學達
乎古今經武整軍遂寬于盱食料敵制勝明蓋察
於秋豪既彊本以能運籌合意俾參大政莫
展壯猷有德進則朝廷自尊詐謀斯寢真儒用而天
下無敵治効可成其非勿牽至再之請

賜給事中吳芾辭免吏部侍郎不允詔
士君子公耳忘私當官而行烏有親疏阿曲之患然
三尺法大為之非為端人正士也爾能養剛
大之氣素擅直方之名甫入東臺正賴糾駁輔臣有
連必無偏黨援此再疏甚力亦不欲使汝破
律造端也小雖高抑汝要路夫何辭之有

賜參知政事王之望辭免督視江淮軍馬乞
致仕不允詔

朕以境土分裂宿憤不據碩瞻中原未嘗一日忘于
心仰稟慈謀俯從廷議屈意尋盟固已逆料其不戚

也夷狄無厭竟為戎首卿習知邊瑣智略縱橫揆策
運籌吾見剛者釣之拜所博有為今禦侮捍衝機
不容髮非揖遜揅焚從容拯溺之時以卿夏國之忠
吞敵之氣必能言不復避事視師之命舍卿而誰
勿淹引道之期何俟清邊之效

賜左僕射湯思退乞罷機政不允詔

昔越勾踐苦身焦思圖報彊吳謂鎮撫國家親附百
姓蠱不如種故舉國政屬之種而使蠱治兵甲之事
內外得人終刷會稽之恥今擴狄尋戈犯我邊鄙雖
御受任董師前有成命念排難圖全在予左右其責

甚大一相之動 易搖非莫枕于京之訃也慮之
再三權其輕重 代此行舉棋不定朕則有
媿委而 患之義乎

賜湯思退辭免觀文殿大學士不允詔

卿再相 忠芳備至塞氛孔識尚賴畫策出奇之
助悠然而去朕甚惜之規殿美名所以增袞衣之光
亦卿之舊物也過刑為贖豈諒朕懷

賜楊存中辭免都督不允詔

朕以敵人犯塞師衆在邊欲專總統之權用注安危
之意凡吾戍役咸聽指麾庶三令五中之明無十羊

九收之患以卿老於戎事積有智名必能展於社猶
遂克成於隨績徽章已播輿誦謂宜益肩衛社之忠
勿講循牆之避

賜陳康伯辭免召赴陪祠不允詔

朕有懷英衮 顯相於郊禋已播明緡俾復持於國
秉茲披前牘難廢細書勿稽命駕之期終親奉璋之
助

賜兵部尚書錢端禮辭免端明殿學士簽書

樞密院事不允詔

朕疇咨雋望入贊神機莫據帷幄之謀用應甲共之

問茲披宋牘乃徇撫文况當多壘之秋豈是循墻之日亟其承命副我虛懷

賜顯謨閣學士虞允文辭免端明殿學士同
簽書樞密院事不允詔

朕以敵國阻 愚非有厭難析衝之材者豈足以居本兵之地以御文而兼武所慮甚長疇昔視師決舟中之勝名已知于江雖草木安豎使陝蜀臨荆襄馳驅兵間游開莫府料敵之策整軍之術益從容于胷中迺稽輿言俾贊宥畫搗章來上非我欲聞
賜陳康伯辭免尚書左僕射不允詔

朕外治邊虞內虛相位區處甲兵之間不勝宵旰之勞望卿之來以日為歲卿以經邦元老固當與朕同憂拯溺拯焚非規行矩步時也

賜參知政事周葵生日詔

月律既盈星躔分秀篤生哲輔能琴房杜之名中錫思盼用介喬松之壽

賜吏部侍郎吳芾辭免敷文閣直學士知臨安府不允詔

王城雜五方之民疆陵弱衆慕寡京尹威望不丘則
姦宄推坦無復忌憚况有撓其前掣其後者非剛毅

自信未易以辨治稱也卿屢把麾符威而不猛有興
利除害之政有蘇枯摘伏之聲典治吏銓浸耘蠹弊
彈壓輦轂直差易耳內閣峻職庸示寵光毋守沖帳
亟圖善敢

賜草王況介辭免持起復元官顯謨閣直學
士知鄂州兼鄂岳江黃州漢陽軍沔江制置
使不允詔

夫忠孝臣子大節朕豈回欲奪人陟屺之哀而遂廢
凱風之詩也蓋公家之事有急于私壺則君子當權
其重輕不以報親追遠之情而忘憂國事君之志雖

欲躬曾閔之行然移孝為忠古人蓋有變禮而不可
免者今胡馬南救闔我四鄙襄漢亦交鋒刃惟長江
上流所以襟帶東南也思得有文武威風善方略者
往當一面庶幾遇衝禦侮寬我吳食迺建使名俾臨
沔鄂疇咨中外無以易卿勉為朕行勿復固避

賜陳康伯再辭免尚書左僕射詔

大天子以論相為職得賢可以永安人臣以憂國為
心有疾猶當彊起若濟川必俟舟楫如作室難虛棟
梁明良相須本古不易朕猥以菲德仰承 燕謀惟
我大儒首陪初政迨茲多事無出舊人雖老成當遂

其燕間顧內外適丁乎紛糾所資忠計用其治叨况
宰臣未至而先除在國朝絕無而僅有宜思汪意之
重勿以卧病為辭日莫兼程副予虛佇

賜參知政事周葵乞賜黜責不允詔

卿輔朕踰年肅敬有守明于治亂忠無隱情贊襄政
机罄竭勞瘁方今內治未舉外寇孔熾政賴股肱之
老同寅協恭計安天下上書引咎是章朕之未燭也
勉安厥位圖所報為

賜敷文閣直學士王剛中辭免翰林學士兼
給事中不允仍特免迴避祖諱詔

卿學博古今文稿黼黻有潛藩師氏之舊實儒黨人
材之英使之潤色於訓辭可以追蹤於典誥仍司封
繳所賴論思茲覽遜章具知冲守謂祖名之相犯在
官稱而有嫌惟公義當奪夫私情况王制可屈其家
禮唐李賀不舉進士已為韓愈所譏畢士安之居北
門弗避義林之諱勿拘撓節即服恩綸

賜王剛中辭免改除禮部尚書兼給事中直
學士院恩命不允詔

昔帝舜之戒伯夷曰夙夜惟寅直哉惟清朕以卿直
清之操比方前哲既餼避家諱屈以玉堂之直矣秩

宗虛位用尊禁聯夫批敕視草而決聚訟之議儒者
之榮何以過此往哉惟欽勿復謙固

賜周葵辭克資政殿學士不允詔

君子達而在上居台輔之位使朝廷尊安遐通賴福
名遂而歸嘯傲立聲以松竹為藩籬以鷗鳥為朋儔
進退俱榮豈不超然有餘裕哉卿望傾後學屢上要
津遵道而行不合則去晚陟政地熟聞嘉謨所賴贊
襄以格上治而賦歸甚勇指疾錮辭晚之再三不得
而強規殿美職厥有彝章成命已盼勿勞謙避

賜陳康伯辭免兼提舉玉牒所監修國史提

舉編類聖政不允詔

夫修玉牒之文約金鑰之史纂慈闈之政皆國家信
書大典垂之不刊非鴻儒比良選董者未易居其職
上台典領厥惟舊矣機務之隙毋以筆削為勞也

賜郭振辭免捧日天武四廂都指揮使不允

詔

十月己卯胡絕淮始禍我濠焚我盱台吞噬我楚
迭我合肥蹂躪我固始侵掠我舒城虔劉我臨滁睥
睨我六合我師分布于兩路而攘卻之功無聞焉卿
許國盡忠奮勵士卒搴旗斬將首奏膚公有進无而

無退生捷音既騰為諸將軍之倡冠職交戟非曰賞
功何必搗詞以遏成命

賜陳康伯辭免長男偉節除直祕閣次男安
節賜同進士出身不允詔

夫寓直道山有登瀛之美列名科籍如折桂之榮要
路由既權輿士林之所歆豔御挂石之老邦家之光
肯力疾以造朝見竭忠而憂國顧無優禮可示懃懷
既給扶獲上于禁墀故疏寵用霑于子舍蓋祖宗嘗
行之事在簡牘具存其文存覽來章力辭異數書勉
承於恩意勿固執於搗情

賜沈介辭免權兵部尚書不允詔

朕以卿資兼文武材出等夷運籌可以折衝整軍必
能固圉界之名節奪爾倚廬闈外之事則制之剽屬
荆襄之任舟中之指可掬也仍總江淮之師方妖稜
之未清顧詐謀之難測勉思至計以解外憂惟茲常
伯之遷寶允興人之誦當體艱難之寄勿為偃僕之

詞

盤洲文集卷第十五

內制五

賜王之望辭免端明殿學士不允詔

朕承洪業託士民之上若涉淵水未知攸齊思得天下之傑合謀相輔以成治功故高位厚祿所不敢惜以卿有慷慨之志更中外之久迺自首諫躋之政塗今蓋未幾也而雅懷莫遂公論弗孚雖欲留以自近顧不可得書殿美職乃進退大臣之優禮何至遂有挂冠之請哉

賜步軍司後軍統制崔阜辭免鄂州觀察使

不允詔

朕注意戎事釀於用賞高秩美官未嘗愛惜執此之信有如皦日御扞敵淮壤厥有茂勳吉語首馳朕心以懌觀風之任躡等而邊益思盡忠勿事沖避

賜錢端禮辭免參知政事兼權知樞密院事
不允詔

昔舜命九官濟々相遜奮庸亮采靡事不理朕甚慕之御學足以行道識足以決疑入踐鈞樞能斷國論疇咨選衆宜幹政機無冠者庭助我經武搗調相推無媿于古渙汗不反亟其祗服

賜虞允文辭免同知樞密院事兼權參知政事
不允詔

朕以恥身獲保宗廟天下治亂在予一人非邦家之英同德一心裨助萬務則安能有濟哉卿先積學問練達事機中外踐更所言可績比參宥畫具見良圖宜副本兵兼預政柄贊襄之效倚俟有成祗服恩榮無勞謙挹

賜王剛中辭免端明殿學士簽書樞密院事
不允詔

朕兢業一日二日萬幾寤寐有德之輔天下賢

哲肯從我遊者吾能尊顯之卿有佐王之學有拔俗
之材入從出藩咸著顯聞復還禁路風望隱然入取
籌帷孰曰不可循墻之避非所願聞

賜戚方辭免捧日天武四廂都指揮使不允
詔

宰輔以汝求免廂部事入奏夫爵祿者朕所以厲世
磨鈍也介冑之士有安邊卻敵之功達于朕聽賞不
旋日惟恐忘其功也卿忠不顧身名副其寔旂常有
紀褒律匪私宜略搗詞亟祇茂命

賜皇子少保鄧王愔生日詔

新穗曆於三微甫迎獻歲視靈階之雙秀厥有休符
為吾元子之祥得彼列仙之壽爰推恩渥以頌熾昌

賜太尉昭信軍節度使曹勣生日詔

歲籥更端方歌青煇之曲禁門通籍不鬲赤松
式盼罕醴之珍用介袞苑之壽

賜簽書樞密院事王剛中生日詔

勅剛中獻歲發春景踰三宿元精生佐秀枯五行爰
推盼式之常以相壽祺之永

賜左武大夫宜州觀察使龍大淵辭免密階
官不允詔

朕踐好之始擇材為使必得長于專對者以堅二國之盟御講習古訓識慮淵深久于潛藩終始如一盡忠致主畏遠權勢出入禁闈厥有休聲張擅越疆不憚遐阻俾脫橫列正名庶車慶不虛行無事搗固

賜陳康伯乞解罷机政不允詔

朕以菲質膺太上傳投之重蚤夜慄：不敢以位為樂念宰相助理萬機圖任之失則不特噬臍之悔而已故力起舊德還以魁柄袞繡復來即日無甲兵之問顯相肇祀天闈其祥殆亦變理之效也方倚碩望尊疆朝廷雖日青未卒顧豈不能奉我清問之燕坐

而論道乎上印旬歸朕不敢聽

賜參知政事虞允文乞宮觀不允詔

君為元首臣為股肱蓋一體相須所以合謀同德計安天下者也御輔政半載屢告嘉猷筋力方強思慮甚審何嫌何疑遂欲引疾而去詳味來章深所未曉

賜虞允文乞宮觀不允更不得再有陳請詔

卿秉尊朝之德有憂國之風造膝憐：備見忠款朕方倚以為治庶幾厚厲無前之績未嘗有纖介之間也移疾旬閑何易退如是即載覽所陳難以曲徇

賜知福州趙子瀟乞致仕不允詔

大夫七十而致事蓋血氣既衰俱其漏盡鍾鳴而不
知止足之戒故光王制禮大為之防而後世以此約
三尺之法也烏有神明之胃筆橐之桀齒髮鼎盛治
有能名而欲抽簪高蹈則國家安得而從之囊封
來政尔辭費亟其視事勿復卧閣

賜凌景夏辭免復徽猷閣直學士不允詔

朕推紫壇之澤于四海無遠迩之間况甘泉之舊予
御性質夷粹撝履端方出鎮藩維有慈祥之政入司
銓部有平允之聲歸懋叢祠未尋故步茲還內閣之
職寔聽輿人之言奚用撓章尚苗茂渥

賜王大寶辭免礼部尚書不允詔

卿履道醇固蓄德雄剛從列諫坡積有令問退休林
壑恬適泰然趨節遠來得憐之不忘君之誼入封文
石筋力未衰宜長春官用資獻督之益已盼渙命奚
事撓文

賜趙密再上表辭免少保不允仍断來章批
荅

省表具之朕講修軍政瞻遇 臣 堅甲利兵嘗冒
死亡之地故高秩厚禮特優終始之恩茲宿將之告
休以貳公而使老使師衆益思於報國知朝廷不負

於用人朕命已行汝等毋再所諸宜不允仍斷來章
賜賀允中再辭免知樞密院事兼推參知政
事恩命仍斷來章批荅

二老來歸于西伯以齒為尊九官相推于舜朝匪僻
所命我國耆艾俾典事樞庶幾制勝于兩楹如彼運
籌之三傑國有成渙人無間言當思遇合之難共講
治安之策昇之召節既不鑿坏以為高覽此奏函何
乃叩關而未已

賜文武百寮湯思退等上表請
皇帝御正殿復常膳不允批荅

涉秋以來天作淫雨害我穡事朕仄席輟餐惕然靡
寧天裁警予夫豈偶然朝思夕惟顧無以仰荅謹告
雖沴氣欲解而沈沒之田農方告病公卿大夫有足
國惠民之策能紓我之憂則為愛居復常之請姑置
之可也

賜湯思退等再上表請 御正殿復常膳不
允批荅

永初遇雁電之異不陳庭下之車祖已戒雉鼎之祥
尚改廟中之祀頌予不德方古有慚雨集七八月之
間遂成積潦郡定什四分以上迨及數城雖采納於

謹言亦舉行于荒政莫揀西成之害不勝南面之憂
惟卿荐貢于誠 在朕正懷于抑畏上棟下宇難講
大昕之儀右哉左穀敢豐中異之御

賜湯思退等三上表請 御正殿復常膳久

批荅

朕罪已畏威便坐未嘗安席齋心食淡厚味不復充
庖永念咎端敢為文具雖恐懼於斯而踰月顧貶損
何足以應天卿等咸造廣庭屢騰需牘具陳稽古之
訓深見尊君之誠陞九級而上廉勉從來請物百差
以俟饋祇媿多儀所冀責難之恭交修除害之利

賜楊存中上表再辭免同都督江淮軍馬不
允仍斷來章批荅

卿材資果毅謀慮沉深百戰摧堅屢奏藁街之捷八
營掌武久尊蘭錡之權時有弛張色無喜愠茲邊塵
之未靖豈王事之可辭當思注意之隆必奮折衝之
效夫李靖專用兵之善蓋房杜濟之以文若子儀堅
事上之誠故齊晉比之為福宜蠲冲節徃副廟謨
賜王之望再辭免參知政事不久斷來章批

荅

朕臨淵思濟寤寐實 外而一路一州之寄內自即

吏九卿而上曷嘗易以印綬予人况一二輔弼所與
斷天下事而繫國家重輕者哉以卿通達治體文武
憲邦事不避難精于遠慮必能同德合謀與今復古
無媿于烝民車攻之詩茲用決之朕心峻登政路非
以私卿一己之榮也卿當體朕責成之意夙夜孳々
同寅和衷發舒賢緼以振可大之業屢章不已非所
望為

賜錢端禮再辭免簽書樞密院兼提舉德壽
宮不允仍斷來章批荅

朕仰惟

太上皇邁德勛華以神器之重傳歸在予

雖一月三朝竭四海之奉而絲衣問寢不獲旦々在
右若稽皇祖嘗以廷臣領使于慈宮朕跪以有
請而聖德謙託因仍未皇也以卿受知兩朝出入禁
闈况材高識遠籌邊甫歸當此治外宜在樞機之廷
崇我孝養立我武事一舉而兩得之又何辭焉

賜虞允文再辭免同簽書樞密院事不允仍
斷來章批荅

夫右府本兵蓋顯戎政北樞垂象寔接階符茲求藝
圃之英俾贊籌帷之密既與言之相慶猶遜續之重
陳雖謙冲者君子之常而忠力者服肱之事當思多

壘遂展勝謀勿徇搆情以苗渙命

賜陳康伯再辭免尚書左僕射不久仍漸來

章批荅

辛巳之役中外騷然卿坐于廟朝智畧驅湊雍容談
笑能解非常之紛今邊陲受敵丞相位屈思我舊人
戎邊亂略揚廷之後詔札屢頒衮衣來歸國人胥慶
宜據遠業遂寢搆詞

賜錢端禮再辭免參知政事兼推知樞密院

事不久批荅

卿練習世故有猷有為喻度庶事猶燭炤數計而龜

卜也朕知卿之材舊矣迺者贊右府兼政柄啟沃設
施有久大之業試可而遷人望咸允辭至于再吾意
不然

賜虞允文再辭免同知樞密院事兼推參知

政事不久批荅

文武之材繫于東西府二三大臣通國之望也朕以
卿碩材不器輿誦所歸俾佐事樞揆策詳審俾參朝
政告猷允臧詳試而進朕命不易雖復深詞難拘來
狠

賜王剛中再辭免端明殿學士簽書樞密院

事不久批荅

朕延登民望 覓神機陟三傑以同時監百王而治
內庶賴多筭匪求近功御契合於潛籥崢嶸於禁路
去國之久靡人不稱甫待橐以尊朝宜擁樞而立武
當遵批語遂絕搆函

賜文武百寮宰臣陳康伯等上表奏請

御正殿復常膳不允第一批荅

朕念戍邊之暴露躬避殿之焦勞雨雪載塗有感出
車之詠鈞星在漢未皇交戟之朝上天儲悔禍之休
鄰壤結寢兵之好雖擐甲枕戈之士將遂歸期顧垂

衣列鼎之儀敢尋盛典

賜文武百寮等再上表奏請 御正殿復常

膳不允第二批荅

朕比警邊塵歌采薇而遣戍每懷戎幕慚細郡之勞
軍難因多壘之平便講正朝之礼荐披來牘具見動
誠宜思治內之方姑緩復常之請

賜文武百寮奏請

御正殿復常膳宜允批荅

朕撤禁衛於兩階甫閱七旬之久損宰宰之百品敢
陳八物之珍念暴師露衆之勞行修德責躬之事雖

得沉焯之報未施挾纊之恩願卜郊近齋宿之期欲
上壽講昕朝之禮勉從忱請徒積媿懷

賜吳璘辭免太傅新安郡王不允斷來章批
荅

朕執爵祿之柄以厲世磨鈍雖五兩之綸半通之銅
未嘗輕以假人况茅社之封槐鼎之任乎卿英望鴻
烈為中興第一卓為末朝國人所慶大廷孚號參曰
允哉而執謙再三偃僂之恭猶未已使朕褒顯功臣
之意蔚而未伸卿亦安取此亟其拜命勿復費辭

盤洲文集卷第十五

盤洲文集卷第十六

內制六

撫問犒設荆襄將士口宣

有劫卿等奮忠許國擐甲臨邊暑往寒來暴露良苦
有懷制閫茲選近臣益勉功名用酬恩意今差戶部
尚書新湖北京西路制置使韓仲通撫問荆襄將士
其犒設依兩淮宣諭司體例支給想宜知悉

賜三省官蒲散天申節道場香口宣

有勅朕孝仲蠖濩瑞接虹流卿等集朱紫於周行達
緇黃之善頌名薰有賜神筮斯增今差某官賜卿等

香想宜知悉

賜樞密院官蒲散天申節道場香口宣

今行九夏節紀千秋有若樞機之賢式嚴蓬貝之祝
芬香是錫福祉斯迎

賜股前司蒲散天申節道場香口宣

六幕迎薰千齡紀節有若羽林之將載嚴貝葉之宮
錫爾寶芬助予孝治

賜皇子鄧王慶王恭王蒲散天申節道場香

口宣

玉卮講家人之禮金簡受仙官之祥惟時王邸之賢

能盡孫枝之孝寶薰是錫壽祉斯崇

撫問賀允中到闕并賜銀合茶藥口宣

卿驅馳道路密迎却闕迺將恩篚之頒往問行驂之
次用申眷待益輔葆調

賜趙密辭免少保不允批荅口宣

卿枕戈之久解紱而歸已出褒章用光晚節撫文可
略拜命勿違

賜少保致仕趙密告口宣

卿艱辭官路歸憩家園細懷百戰之勞已陟三孤之
貴出綸有賜承命為榮

賜賀久中辭免同知樞密院事
斷來章批荅口宣

載稽夙望誕布明綰升筦斗樞
茂經天緯輿情相慶冲節可竭

賜湯思退口宣

卿鼎席望尊籌帷慮審不改燮調之職
俾專摠統之權已告所庭宜祇茂渥

賜楊存中辭免同都督
斷來章批荅口宣

朕疇咨良帥共督諸軍庶有橐弓之期
遂臻奠枕之治往圖躋績勿事撓辭

賜皇子鄧王慶王恭王滿散會慶節道場香
口宣

卿燭孝肅陔歸誠運利介八于春之眉壽
緒十二部之剪絰爰賜寶芬益嚴勝會

賜三省官滿散會慶節道場書口宣

卿籌度集朝紬洵崇法席戎介誕彌之祉
庸知彌亮之忠宜錫珍芳用成寶供

賜三衙滿散會慶節道場香口宣

卿等輸忠衛戟展敬名藍欬崇箕翼之符
廣集乾似之祖迺加頒錫以助薰嚴

賜樞密院官滿散會慶節遣場香口宣
御壽恭趨仁宇肅展淨筵慶彌月之佳辰申後天之
善祝具知忠範爰錫名薰

撫問王之望到闕并賜銀合茶葉口宣
卿久問兵甲來歸廟堂次舍之間神明所護宜有思
盼之寵以咨匪薄之勞

賜趙密落致仕推殿前司職事告口宣

朕疇咨一老復衛千廬士氣既增輿言咸愜宜祇綸
命庸副眷懷

賜王之望辭免參知政事斷未章批荅口宣

卿學擅洽聞材堪大任茲陟鈞綸之貳甚諧中外之
瞻宜視批章遂蠲來牘

郊祀畢宣勞將士口宣

朕修報觚壇逆釐齋幄衛社賴六師之武周廬閱三
宿之勞式對嚴凝良深嘉獎

撫問少保恩平郡王璩到闕并賜銀合茶葉
口宣

卿比趨名節來相郊禋蒙冒霜威馳驅江路庸推盼
式以示眷私

傳宣撫問宣押陳康伯起行在口宣

朕焦勞宵旰注想儀刑申遣使璫往迎召駟所期倍道以副虛懷

賜湯思退提舉太平興國宮告口宣

卿存騰需牘祈解冢司載嘉勇退之風莫遂挽白之意茲盼制渥宜體憺懷

賜楊存中都督江淮軍馬告口宣

邊塵方起閫制非輕賴摠督之得人能掃除而安國已盼褒律宜服渙恩

撫問張綱到闕并賜銀合茶藥口宣

卿虔趨一節密次九闈宜勅使貂往詢來駟恩盼有

式眷倚惟深

撫問陳康伯到闕并賜銀合茶藥口宣

卿不憚三冬載馳千里副吾論相之意知汝致君之忠宜有恩盼用申眷遇

賜錢端礼辭免簽書樞密院兼提舉德壽宮

斷來章批荅口宣

比稽輿論俾陟宥廷仰以奉於慈闈遂欲清於邊祲宜祇茂命勿治撫章

賜虞允文辭免同簽書樞密院事斷來章批

荅口宣

朕延登邦傑進列機廷所賴遠謀以排外侮宜肩忠
報勿治撫詞

賜陳康伯告口宣

朕眷求元老復位上台輿望迥歸妖氛自卻宜膺書
贊以展經綸

宣押陳康伯赴都堂治事口宣

朕延想柱石有如渴飢行旆非遙我心則喜申戒貂
璫之使趣臨政事之堂勿復趑趄用酬眷倚

賜陳康伯批荅口宣

卿跋履川荅肯為朕來整頓乾坤誰出卿右其展經

綸之蘊勿修撫避之文

撫問楊存中賜金合藥口宣

卿久督戎旃茲周歲籥念風威之匱薄知幕府之勤
勞爰出慈盼用資嗇護

撫問諸大帥并賜鞍馬口宣

歲律將更邊城良苦分禁閑之上駟助戎幕之神旗
祇服恩盼益思忠報

賜錢端礼斷來章批荅口宣

卿望高兩地象應三階掌朝政於中臺本兵權於西
府當酬眷荷毋守謙撓

賜虞允文斷來章批答口宣

卿學蓋尊王材堪謀國進躋樞貳益起巖瞻宜體批
章遂蠲冲牘

賜王剛中斷來章批答口宣

比采師言俾登宥地乾綱獨斷渙命已行當諒至懷
勿拘遜礼

賜蒲察乂安告口宣

卿比逢郊類獲相盛儀厥有明綸用敷祭澤徃其祇
服思稱龍光

賜吳璘告口宣

卿擁旄乘塞卓馬造朝爰舉徽章用盼褒律亟其祇
服式副倚毗

賜吳璘辭免太傅新安郡王不允斷來章批
答口宣

朕消辰之吉敷命于庭褒答元勳偕契輿論其祇茂
渥遂寢撫文

賜王彥和恩告口宣

朕比講郊禋普推祭福若時尅將宜出綸言用示眷
懷亟其祇服

賜三省官蒲散天申聖節道場香口宣

卿等萃千官於仁宇行萬壽於慈庭以若忠勤深嘉尚名薰之錫法會是崇

賜三衙滿散天中聖節道場香口宣

卿等庀職周廬輸忠報上開梵宮之法席祝

慈殿之遐齡爰錫寶薰用嚴勝會

郊祀畢端誠殿受賀樞密宣答宰臣詞

有制朕惕奉慈謀肇禋吉土賴上台之顯相協吉日以涓成翕受扈祝言旋清蹕禮成之慶與卿等同之

端誠殿宣答樞密詞

朕黃流假廟紫橐充壇惟元祀之熙成賴鴻樞之陪

輔

端誠殿宣答筦軍詞

卿嗣守邦圖初修郊類賴爾干戈之衛肅無桎梏之詳已受神贍遂回詔蹕

麗正門肆赦宣答宰臣詞

燭柴泰時接風馬之靈旂旅軫端闈霽星雞之渥澤敷錫之慶與卿等同之

賜四川宣撫使吳璘夏藥勅書五月四日

勅吳璘卿權尊帥閫威震坤維當鏢石流金之時勞鍛甲磨劍之事遠盼珍劑庸示媿懷今賜卿銀合夏

藥并統制統領將佐官屬並依年例分賜仍傳宣撫
問故茲示諭想宜知悉夏熟鄉等各比好否遣書指
不多及

賜保信軍官吏軍民僧道耆壽等示諭勅書
勅保信軍官吏軍民僧道耆壽等朕以張浚宣力于
外閱時茲多眷惟耆哲之臣閔勞軍旅之事趣來歸
而調燮迺猥講於退休已疏異等之恩特寵三孤之
上相攸樂土畀以節旄諒草木之知名必室家之相
慶今特授張浚少師保信軍節度使判福州依前魏
國公加食邑一千戶食邑寔封四百戶故茲示諭想

宜知悉夏熟汝等各心好否遣書指不多及

賜南平王李天壽曆日勅書

朕欽天治曆稽古頒常仰齊七政之文用協九疇之
叙賸言南服風慕華風欲知來歲之宜當講新書之
錫諒循月令以格時和

回賜南平王李天祚勅書

卿奉藩丹徼慕義清朝拜覃渥之褒綸弛方輸之珍
物備殫忠恪深用歎嘉

賜階文龍州經略使吳洪等夏藥勅書

卿蒙犯隆暑勤勞極邊城池斯固於金湯介胄或生

於熾風匪盼有式注想不忘

賜湖北京西路制置使虞允文淮東西路宣諭使錢端札王之望夏藥勅書

卿潛筭折衝皇華護塞寬吾肝食勞汝暑行迺盼賜式之珍以助生經之衛

賜福建路安撫使張浚夏藥勅書

卿甫離揆路借重介蕃當炎赫之御辰恐驅馳而失叙迺分良劑用輔生經

賜荆湖南路安撫使黃祖舜夏藥勅書

卿在時舊德為國長城當三夏之炎暉念重湖之早

濕爰舉匪頒之式庶迎善備之休

賜江東安撫使江澈銀合臘藥勅書

卿遠擁帥牙當時寒籥雖有神明之相豈無區薄之勞爰出恩頒用資顧嗇

賜江東安撫使汪澈銀合夏藥勅書

卿譽偃朝紳權尊宮籥茲履長羸之序恐違嗇養之宜爰錫上奩用盼溫檢

賜御前都統制郭振等銀合夏藥勅書

卿權尊制閫任重干城式當炎燠之辰或有晦明之疾宜頒良劑用表憐懷

賜四川制置使汪應辰銀合夏藥勅書

卿遠開幕府靜鎮坤維聿臨九夏之時宜有萬金之劑爰推賜式用表眷懷

賜吳璘夏藥勅書

薰風入律畏日流金豈無霑汗之勞宜有衛生之助庸盼珍劑以表眷懷

盤洲文集第十六

盤洲文集卷第十七

內制七

太一宮介福殿開啓

太上皇帝本命道場青

維年月朔日嗣天子臣御名恭遇

光堯壽聖太上皇帝本命之辰謹遣某官命道士二十一人於太一宮介福殿開啓靈寶道場一晝夜滿散設醮一百二十分位點上生命燈一壇謹上啓聖位伏以風薰紀序迺慈闈元命之辰星度垂光崇眷筭長生之祉飈輪在上蓋笈具陳庶通格帝之誠

獲盡事親之孝臣無任

太一宮齋明殿開啓 天申節道場青詞

伏以仰東升之躔斯臨永晝竭南陔之養更慶誕辰
度叩曾穹聿陳法席所冀博臨之况益崇難老之祥

萬壽觀純福殿開啓 天申節道場青詞

伏以電樞稽瑞垂金鑑于千秋雲陞臚驩上玉卮之
萬壽寶壇夙啓秘笈屢緡更迎滋至之休永介無疆
之祉

南郊奏告天慶觀報恩光孝觀青詞

伏以燔泰時之柴將迎長至降昕庭之礼已肅前期

仰觀溥臨助成昭報

南郊奏告元天大聖后青詞

伏以事先稽古禮大報天將陟頌祇之堂初款棲真
之宇乞靈蒞御集祉觚壇

郊祀奏告天慶觀青詞

伏以祓神丘而稱祀將講盛儀款琳宇以告期仰徵
嘉貺惟乾坤之所助幸雨雪之不逢虔布忱衷覬竣
熙事

太一宮郊祀預告祈晴青詞

伏以先庚假廟將嚴薦禩之儀方衛遒郊遂展燎薰

之報仰觀神明之佑俾無雨雪之虞淵鑿不違稜容
斯脩

太一宮郊祀前七日預祈晴霽青詞

伏以卜猷歲之上辛逢元日之吉亥始嚴廟祿遂舉
郊柴仰觀乾坤之休俾無風雨之阻

太一宮郊祀畢謝晴青詞

伏以卜辛日而用郊陟午階而奠幣神明所相雨雪
不逢既竣事以逆釐敢儲精而拜况

萬壽觀純福殿開啓

太上皇帝丁亥本命道場青詞

伏以慈宮增德沓迎神英之休商律題期旋次命元
之紀虔遵冲式誕啓清壇仰徵金簡之光長上玉卮
之壽

太一宮介福殿

太上皇帝丁亥本命

道場
青詞

伏以葭律吹灰初屆清商之候冀階視蔭斯推始命
之辰仰淵覆之無私為慈庭而有禱庶迎帝祉式介
皇齡

太一宮齋明殿開啓

壽聖太上皇后生辰道場青詞

伏以日臨西陸澄景甚休天佑南陔純坤有慶肅延

真御前後秘庭仰景履燾之仁丕錫熾昌之福

萬壽觀純福殿開啓

太上皇帝丁亥本命青詞

伏以天運無窮臨旻秋之季月日躔有次慶基命之
元辰延飛馭於蒼圓介壽祺于慈殿仰徵靈貺永祚
昌期

太一宮介福殿開啓

太上皇帝丁亥本命道場青詞

伏以氣動潛葭換抄秋之懿律慶流慈宸推正命之

休辰載被邃庭聿陳馨醑仰導信基之福益增神英
之符

茅山崇禧觀啓建會慶節道場青詞

伏以日臨析木之津聿逢誕序天闢三茅之洞庭啓
清壇仰延颺御之光具繹琅函之秘庶臻保右永錫
熾昌

萬壽觀純福殿滿散會慶節道場青詞

伏以良月就盈斯逢誕序上天佑德已錫蕃釐法會
脩成真科有考更願照臨之施咸躋仁壽之隆

太一宮崇禧殿滿散會慶節祝

太上皇帝

太上皇后聖壽道場青詞

伏以肇寒律于三冬幸臨初度祝慈庭之萬壽仰叩
上圓願迎葢爰之休式展蘭陵之報

太一宮介福殿開啓

太上皇帝丁亥本命道場青詞

伏以天象蓋高神心善應屆慈庭之元命啓秘宇之
清壇仰祈顧諟之私增昇熾昌之福

萬壽觀純福殿開啓天申聖節道場青詞

伏以伯趙司至氣和吹律之中華渚流虹節紀稱觴

之次風陳法席仰介慈齡更迎覆育之休永錫壽域
之祉

太一宮為民間疫癘祈禱道場青詞

伏以高、在上丕冒綿區林、而群仰依洪造茲履
災敲之序尚多疵癘之人爰啟靈壇大開醮席敢覲
甄陶之施咸收藥石之功

滿散青詞

伏以天降之災或 雨暘之候民殃於疫遂多哭泣
之聲茲啓清場已周法會仰祈慈覆並賜嘉生

太一宮滿散會慶節祝

太上皇帝

太上皇后聖壽道場朱表

伏以壇開清館儀訖沖科度布誠心幾九闈之格帝
永伸孝養以四海而奉親

郊祀奏告天慶觀滿散朱表

伏以律對黃鐘續改作節
近青遠報伸紫時肅清場而先告

秩元祀以非遙仰集美光慶成鉅典

太一宮滿散 天申節道場朱表

伏以儀恪清裡福徵寶笈復投誠于淵覆願介壽于
慈宮永庇群編丕隆洪祚

萬壽觀滿散

太上皇帝本命道場朱表

伏以秘館敷筵肅挹颺旂之馭仙科考式具縉寶積
之文仰賴天休常供子職

太一宮滿散

太上皇帝本命道場朱表

伏以展儀秘殿訖事清揚惟悃幅之上通斯高明之
俯格式資道妙永錫慈休

太一宮滿散

太上皇后本命道場朱表

伏以哀黃冠之衆 瞻紫極之榮光迎此神釐歸諸
慈壺永對九秋之籥共尊萬壽之觴

萬壽觀滿散

太上皇帝本命道場朱表

伏以仙科如式寶笈終篇名薰縹緲以縈風列炬熒
煌而奪月集殊休于法會隆曼壽于親庭

太一宮滿散

太上皇帝本命道場朱表

伏以按琅笈之靈科飈旂來下企珠躔之景緯夜漏
已深寶供脩成修齡永錫

崇禧觀滿散

會慶節道場朱表

伏以袞寶席于名山飛密章于穹漢用導雁鴻之祉
式光震誕之期法會脩成皇休茂對

萬壽觀滿散

會慶節道場朱表

伏以寶壇閏月具按冲科菲德動天密邇純嘏更莫
無私之覆益宏有截之休

太一宮滿散

太上皇帝本命道場朱表

伏以袞清秘字披考真科期帝鑒之不遠致皇齡之
有行永休慈寶共庇涵生

萬壽觀滿散 天申節道場朱表

伏以協華系統誕聖紀期清場仰接于颺旂冲式已周于月律茲罄再三之祝願臻億萬之祥

太一宮滿散

太上皇帝本命道場朱表

伏以冬灰欲半夕漏甫中具閱靈篇已修馨供仰徽天祐永相親闡

太一宮滿散預告郊祀祈晴朱表

伏以度祓清場具遵洞式敢期默相賜以時暘仰瞻明概之祥獲受宴娛之祉

萬壽觀滿散 天申節道場朱表

伏以儀肅清壇福鍾慈猷已匝三旬之式益崇萬壽之祈淵鑒弗違慶圖有賴

太一宮滿散郊祀畢謝晴道場朱表

伏以寶壇肅啓法會崇成大哉覆燾之私有此清明之賜式臨景貺用庇函生

太一宮滿散為民祈禱道場朱表

伏以就洎基宇脩考冲科薰修已閱于半旬康樂浸綿于萬井更徵鴻祐盡掃積疴

皇帝賀

壽聖太上皇后生辰表文

伏以清商叶序燦南極之瑞星沙鹿發祥紀來朝之
誕節騰懽宮壺降嘏霄壤中賀恭惟德厚儀坤明遵
朔日葛之覃兮于中谷久播徽音夏之興也以塗山
持書彤史六珈偕老萬壽維祺臣仰奉慈顏欣逢令
旦披圖按謀覩芝莖十二之華設席肆筵上椿歲八
千之頌

皇后賀郊祀禮成表文

伏以禮講泰垓秩百神而受職澤流瑞闕歛五福以
錫民熙事崇成群倫昏慶恭惟重華協帝下武繼文

肇郊旅而分年偶遘虞而遷日避新陽之近晦蓋遵
藝祖之規卜嗣歲而用辛遂踵
太宗之制况值三朝之始益來四表之懽妾仰儼乾
明猥居坤極際隆儀之獲考集柔地以交忻

閏十一月起居橫宮 諸帝旦表文

伏以柔荔迎時甫踐長於信宿中踰立閏茲告朔之
休辰共惟道遵百王德齊七政扇皇風于有截綿室
曆于無疆式展孝思敢恭明薦

諸后旦表文

伏以葭吹六琯甫過書雲斗指兩辰斯為附月恭惟

道光坤則德儼乾儀齊太妣之徽音嗣塗山之逸響
敢虔芳薦式罄時思

諸帝望表文

伏以置閏嚴冬歸餘暢月風力已侵于獸炭霜威頗
犯于狐裘恭惟累累洽重熙同條共貫紀無前之偉績
垂不拔之元基惕奉燕謀敢陳嘉猷

諸后望表文

伏以寒籥過中斯遇歸奇之象素輪既望載深進遠
之惟恭惟沙鹿垂光河雎協詠配紫宸之聖德播彤
管之芳塵式想柔儀采增孝慕

永祐陵攬宮翻瓦抽換殿柱等畢工告遷

徽宗皇帝神御還殿奉安表文

臣伏以恭繕寢園載新楹桷嚴夙興之香火奉月出
之衣冠爰諏吉以寧神奠發祥而肅後

奏吉

昭慈聖獻顯恭顯肅顯仁懿節皇后表文

伏以土木訖功棟梁除舊企仙圖而在望奉大練
來娛仰迪燕寧敢伸絮告

郊祀畢奏謝

聖祖文

上帝表文

伏以始登紫時大報蒼圓奏六變之音率循禋典謹
一統之薦丕講彌文慶熙事之消成按冲科而拜况
郊祀畢奏謝諸宮觀

帝后表文

伏以慈庭詔燕泰時肇禋用日之辛蓋襲卜郊之制
事天靡闕遠超蕤野之儀鴻祀既成先猷所相敢申
昭報永迪孚休

南郊奏告

諸陵并攢宮表文

伏以氣迓黃宮禮行泰時有醜協華之德初修報本
之祠顧瞻威神徵求保右

盤洲文集卷第十七

盤洲文集卷第十八

內制文

六月朔日蝕祭告太社祝文

伏以累三光之明震驚涼德脩六宮之教寅畏格言
式遵伐鼓之文敢絜用牲之告

陰雲不見祭謝太社祝文

伏以季夏之朔太陽有眚側身修行未燭其咎雲陰
忽興不見薄蝕惟神淑佑敢薦忱誠

修整太廟大殿屋脊及東廊奏告諸室祝文

伏以積雨建瓴太室穿漏載新茨蓋已集工師涓日

之良執遵以告

祭告土地祝文

伏以暑雨盈旬廟瓦毀落乃練時日鳩工繕修神其相之以底終吉

南郊奏告天地祝文

伏以慈闈有命凜乎基業之承陽律惟時肇此郊丘之薦報二儀之况施救百吏之虔共先事貢誠彝章踵故

南郊奏告太社祝文

伏以禮大南郊甫嚴祀典饗行北牖用報神休方誕

告於先期敢絜修於明薦

南郊奏告太稷祝文

伏以禮大郊丘甫嚴祀典祠修官稷用迓神休方誕告於先期敢絜陳於明薦

南郊奏告

宗廟祝文

伏以受命慈闈承祧累歲始行郊燎之禮將薦廟籩之誠已戒前期敢伸虔告

南郊奏告太一宮十神太一祝文

伏以祀有多儀事尊肆類已諏穀旦誕播礼書徵福

貴神告虔嘉薦

南郊奏告

安穆皇后祝文

伏以三歲一郊累朝故事御圖之始初講彌文欽惟
淑靈監此預告

南郊奏告

安穆皇后殯宮祝文

伏以迓休圭景展事觚壇已降札書聿嚴柴燎顧瞻
園寢先告吉蠲

南郊奏告南嶽南海南瀆東瀆祝文

伏以祀著邦彛禮尊郊類候一陽於六律秩群望之
百神告此前期厥惟故事

郊禮修飾太廟奏告

祖宗祝文

伏以禮講觚壇祭先宗禘風雨久侵於墻祀斧斤將
易於裸楹茲卜日以告遷覬在天之委祉

郊禮修飾

太廟權奉安

祖宗神主祝文

伏以工役已具日時既良迺被齋房奉移厘主仰斲

昭格少迪安寧

郊禮修飾太廟奏告

安穆皇后祝文

伏以郊丘之祭宗廟必修易腐撓之榱椽治頽穿之
墻壁動茲斤斧告以豆籩

郊壇修飾太廟祭告土地祝文

伏以郊祭有期繕我太室揆日之吉或斷或圻維土
有神監興茲役

太廟修飾畢工告遷神主還室祝文

伏以載新廟復已訖工徒諏令旦以陳邁奉靈旂而

反禘顧瞻在上昭假無疆

太廟殿室畢工奉安祝文

伏以郊柴不遠廟裸為先迺修觀德之宮仰迪寧神
之祉奉安之吉潔告惟虔別廟改奉安之
吉作音徽如在

郊祀前二日奏告

太祖

太宗配侑祝文

伏以肅壇時之嚴禋甫迎至景推祖宗而昭祀續改

壇時于上辛式遵故事推祖宗而並脩誕舉彌文大報有期先事而告

仰祈右序用相休成

太廟祝七祀祝文

伏以卜郊展報假廟薦芳祭咸秩於百神禮先行於七祀靈光來格熙事備成

分祭太社太稷祝文

伏以土穀大神生殖之本茲伸吉報于國之南刺豕刲羊壇有籩俎來假來享匪今斯今

土正勾龍氏后稷氏祝文

伏以惟神之靈配食社稷土爰稼穡實尸其功練日報天於郊用牡美芳嘉薦用迪孚休

郊祀奉告五嶽祝文

伏以穆卜天正續改作夏正將郊上園崇嶽歲々吐符作

鎮敢激况施濟此明禋

又四瀆祝文

伏以郊丘之日曾不三旬續改作兼旬有赫瀆祗靈光如

在敢徼陰相俾訖嚴禋

改郊奏告天地祝文

伏以秩元祀於觚壇初伸大報候初陽於嶰簋將講盛儀會遑禋之不寧懼齋心之有闕惟

藝祖避近晦之日至

太宗行上辛之郊稽此前規卜之首夏觀乾坤之錫

社使疆場之銷兵庶竭忱誠遂成熙事

奏告宗廟祝文

伏以郊類有期邊塵遽起仰遵祖武改卜長羸之初
敢覬神休克展泰元之報

安穆皇后祝文

郊禋有日邊事忽興憲我前規改之首夏欽惟英淑
有以相之

安穆皇后攢宮祝文

始被神丘將嚴大報會邊隅之有警恐齋戒之不虔
遵改之下舊章覬如存之陰相

前一日輓祭嘉會門神祝文

伏以郊柴在辰皇輿夙駕兩軹之祭昔者有儀于豆
于登取羝以薦惟神擁右安行玉蚪

郊祀日分命九宮貴神祝文

伏以受乾坤之降嘏合丘澤以薦馨爰修蘊藻之誠
用叩飛棊之時異垂冲監獲巖上儀

虜人犯邊用兵奏告四聖五嶽祝文

伏以敵國犯邊尚肆虔劉之虐師徒駐野未收攘卻
之功敢布忱誠仰干英鑒胡行如鬼雖妖禳之結蟠
漢箭有神莫靈威之佑助假公山草木之力成京觀

鯨鯢之封

奏告顯應觀旌忠觀吳山忠清廟祚德廟祝文

伏以 人犯邊迨經踰月介冑綦布未有成功虔露忱衷祈干祠下敢冀陰相早遂驅除如公山草木之靈建淝水風聲之蹟

仲秋薦獻

安穆皇后祝文

伏以時及蕭辰祭修園寢顧瞻咫尺想念平生薦此芬馨歆吾誠意

郊祀前二日景靈宮分詣奏告中後殿祝文

伏以迎日之吉事大益虔續改作履端之始卜日用辛祭必有尊

祇見發祥之祖禮非敢後分遣侍祠之臣邕矣孝熙

右茲裡祀

景靈宮大興寺殿孟秋朝獻祝香文

孟秋屆後法駕親臨恭焚寶薰告虔

聖祖大帝伏願祀事崇成神休未萃奉慈宮而同慶躋壽域之咸寧恭薦苾芬載申頌禱尚其歆格右此明禋

壽聖太上皇后生辰功德疏文

伏以祥開長樂迓載夙之嘉辰教演真筌起無涯之
勝福具嚴冲式益介慈齡

壽聖太上皇后伏願淵覆護持神光臨燭鮐背鯢齒
慶壽母而永歌象服翟衣階天王而難老

秦國大長公主出殯祭文

惟靈天津稟瑞帝渚騰輝蘭行桃姿女圖章灼采繫
采藻婦職無虧問我諸姑介然遺老災生寶婺壽不
百年迺瞻素帷無從出涕卜兆有日夕奠是陳尚其
顧歆寄此悲憫

皇帝閣春帖子六首

其一

藻景升暘谷條風拂紫宸只今天一笑萬物揔為春

其二

懈律春灰動青陽奏雅音上辛元日是郊類合天心

其三

閏接殘年臘春留半月冬雪深田易墾歡喜匝三農

其四

寶勝新幡下九霄千官接武趨春朝玉卮上壽慈顏

喜歲二年舜事克

其五

挽得天河洗塞氛，非烟協氣作新春。
使車已動兵車息，活却生靈百萬人。

其六

退朝講武與修文，何暇尋春到玉津。
桃李不言渾望幸，從來未識屬車塵。

皇后閤春貼子五首

其一

雪放梅妝出，風嫌花信遲。
發生皆帝力，載物本無私。

其二

池面冰漸破，潛魚聖得知。
倚欄觀綠鰖，沚荇欲參差。

其三

君王盛德卻紛華，六寢蛾眉不好奢。
曾從芝輶看芝草，爭岑椒壺頌椒花。

其四

裁紅翦翠不為難，開盡千花頃刻間。
德壽宮中雕輦駐，慶雲深處彩衣班。

其五

葱嶽瑞靄騰椒披，莫之仁風扇葛覃。
四海預應期樂歲，六宮今已喜先蠶。

隆興二年南郊鼓吹曲

六州歌頭

嚴更永今夕是何年玉衡正鈞陳絜天宇起祥煙協
風應江海安瀾重規仍疊矩 聖主乘乾克授舜盛
事光前稱壽王卮邊三年親祀一陽回律八御承宇
續改作璿杓東 觚陞紫為壇仰天顏齋居寂誠心肅
轉上辛卜旦 禮容專存鍾石約輿衛五輅不求全聽金鑰虎旅無
眠儼千官頌期顯相嘉邁一人儉德動天淵費減大
農錢神示格宗祧燕人民悅祉福正綿綿

十二時

庭有燎疊鼓鳴鼉更門夜如何信星彪列天象森羅

虞旦闕宮畢觴清廟漿祔尊犧絕猗那嘉頌可同科
扈聖萬肩摩飭躬三宿泰時緝儀多丘澤合嶽讀從
曦娥神光燭雲車風馬芝作蓋玉為珂奉瑄成禮燔
柴竣事休嘉碎隱丹闕湛恩波願乾坤墮社邊鄙投
戈覆孟連瀚海洗甲挽天河欣喜色長遇六龍過
奏雲知三脊薦嘉禾

奉禋歌

吹葭緹籥氣潛分雲來宜書壤效珍長日至一陽新
四時玉燭和勻續改作青陽振整氣潛分仙掌非烟
勻物欣造化轉洪鈞郊之祭孤竹管六變舞雲門

自古嚴禋犧牲具粢盛絜豆邊陳袞龍陟降幣玉紛
綸徹高聞靈之旂神哉沛排歷昆侖九歌畢盈郊瞻
楨燎斗轉參橫將旦天開地闢如春清暉移輪闔然
鼓吹相聞繭祥雲驩臚八陞釐逆三神聖矣吾君華
封祝慈宮萬壽椒掖多男六合同文

右三曲嚴更警場作

降僊臺

漏殘拆靜雞散遠到高燎入曾霄雲裘蟠瑞靄天步
下嘉壇旗旆飄搖黃麾列伏貌貅整氣壓江湖導前
後後盛官僚玉珮間金貂望扶桑日漸高陰霾霜雪

底處不潛消輦路祥飈披拂絳紗袍雲間端闕仰峇
堯播春澤喜浹黎苗禮成大慶黿三抃受昕朝

右一曲禮畢

皇帝降壇作

正宮導引

重葦天子長至靖改作泰時奉神虞九奏會軒朱星輝雲
潤東方曉拜覲竹宮初歸來千乘護皇輿瑞景集金
鋪雞竿高唱恩書下惠露匝中區

右一曲

皇帝還宮作

盤洲文集卷第十八

盤洲文集卷第十九

外制一

錢端禮兵部尚書都督府參贊軍事制

武部所掌五兵文昌甚高八座必望實素諧於輿論
則登用可彊於本朝具官某敏識炤微清才露穎渾
金璞玉備和氣於四時錯節盤根發新礪於遊刃自
騫禁密獨步版曹因邊祲之究懷以皇華而諭指宣
勞半歲揆策萬全借前箸籌之明於料敵賢長城遠
矣賴以折衝茲遣使以結盟尚整軍而修備已開督
府命將相以視師乃陟夏卿率賓寮而攸畫共講止

卷十九

戈之武以疑奠枕之勳往服恩榮益肩忠報

張宗元司農少卿制

國家駐蹕東南宮禁之須百官之奉師兵阜隸之食
皆仰給于大農近郡新有水害朕已蠲民田租慮倉
庾或不能足用也以爾出自勲閑以材諳稱御寺計
臺所居可紀茲用命爾掌九扈之事爾當會其多寡
常使有餘則為稱職不獨謹出內而已

韓彥古將作監丞制

朕留意武事凡將帥功臣之世皆欲羅而致之以察
其可用爾好學不息秀于其家匠監美官吾所不惜

往思振職毋或負丞

向洵提舉淮東常平茶鹽制

山澤之產所以供邦財者不一而鬻海為之最淮浙
閩禹鴻鹵之地不一而淮東為之最使者非其人則
國有遺利爾材健而通光於吏事把麾揭節良有可
觀監美之柄茲以付汝於官吏則有澄清之權於民
又有常平之政往哉無瘵曠厥職

知盱眙軍郭淑直秘閣制

爵祿天下之砥石也有勞必賞能者斯勸爾材智闔
敏遇事風生一障之乘弗憚險易視探虎穴如行坦

遂列職道山旌汝體國

權劍門縣杜策循資制

王師出塞以食為急爾千里餽餉軍不乏典進秩之
榮用答勞効

趙畚落致仕摧殿前司職事制

賜安車而就第甫遂高懷護鈞戟以周慮仍尋故步
人既諳於要東朝有賴於誰何具官某氣略沉雄智
謀宏遠藝長弓劍出山西六郡之家學守韜鈴得濟
北一編之法久掌禁門之衛浸高盟府之勲會疆戍
之移化致嚴除之缺帥疇咨在列毋易老臣以黃髮

而治兵見赤心之許國式崇武節可壯軍聲噫漢室
置羽林之宕蓋仰倅於乾象唐人有靈壽之賜亦復
總於師于益勵忠規用酬恩遇

龔茂良太常少卿制

奉常居九寺之首繇法從而下亞卿冠乎庶寮秩清
而選甚重况當始郊之年稽古禮文之事豈易屬人
爾學探淵緼溢為文華儒黨所譽素有直聲迺自六
察寘之諫波底幾辱聞骨鯁之論而獲捨遺補闕之
益也引嫌辭位屢挽不徇陟之容臺以觀遠器

給事中吳芾轉左朝議大夫制

寄祿之階二十九等有限年無限負獨議大夫其教
八十搢紳之士官極乎正即望之而不能至唯侍從
則不拘此法可以超軼而居之其官某互繩聳乎霜
臺惠露洽乎三郡華問瓌望靡人不知再上禁途尊
我朝著茲以黃扉之權而兼軍旅之事固不以一秩
為軒輊也有司校考寔庶遷品出此言縉為之寵光

忠訓即戴青降一官制

馭軍有律亡命必誅爾逋逃自歸始提未城尚思後
效戒此薄懲

魏勝轉右武大夫忠州團練便知楚州陳敏

轉成州防禦使知高郵軍制

朕左擇猛士扞城四方邊最有聞豈緩褒典其官某
忠義自奮鷲勇可推典治新邦閱日滋久控制外侮
軍聲甚張招携流逋績效亦著易守淮壘謹吾藩籬
用陟我團仍超橫列陳敏作用陟兵當思民社之寄
不專軍旅之容內撫疲甿遠固疆圉恩威相濟時乃
之休

鎮江府後軍統制胡明轉武經大夫制

爾將屯遠邁久佐新壘招携控制勞効居多增秩之
榮用勸同列

知漣水軍夏俊轉武節郎制
爾忠義奮發有志功名一障扞邊備宣勞效是增命
秩以夸轅門

單時祕書丞王東里著作佐郎戴達先莫冲
校書郎制

冊府儲天下之材如捭柙豫章積日象月俟其昂霄
聳壑然後擇而用之爾等學行純淑選在周行或自
簿領而徙清官或仍筆削而佐太史或繇是正而進
校讎併肩群居相與言仁義之道而窮未見之書益
尊所聞以涵遠業

吳飛英太學博士制

愛其子擇師教之國家為多士選模範焉可忽也爾
頃遊膠庠名出同輩推其所得不倦於誨人則有遠
肖之效矣

蘇峴太常寺主簿制

爾四世祖精於禮樂作太常因革書百篇行於世禮
官有討論資以折衷而無聚訟之患爾不墜家學近
臣稱之徃游曲臺思贊其長

揭陽縣令余致和廣德縣令趙善禮循資制
國家除戎器以藏武庫嘗下諸郡作甲爾能勤其官

先期趣辨異爰進一階示信賞也

唐閱都官員外郎制

六官之屬二十四司事有劇易而卽位應列宿等耳
角學韜于中入朝久次陟之省戶俾究所長昔薛能
李頻嘗為中都郎而官曹增重其思古人以稱推擇
知樞密院賀九中贈三代

曾祖屯田員外郎贈太子少保應機贈太

子太保制

君子之澤五世聿流積德之光泰階所陳六符斯厚
顯親之典茲誕登於碩輔復追賁於曾門其官某探

道有涯懷材弗展傲青雲而吏隱甘白首之卽潛餘
慶所覃後昆益大恩加愍冊已陟東宮之孤寵逮幽
扁更增一品之秩尚其冥漠歆此休嘉

曾祖母和義郡夫人楊氏贈同安郡夫人平

樂郡夫人侯氏贈文安郡夫人制

百川之水其源深者流必遠昂霄之木其根茂者枝
必盛輔拂股肱之臣享高壽厚祿而有英聲鴻寶者
昏其先世垂光委祉之效然也某氏鍾禮却法宗姻
化之克配吉人慶延後裔副筭翟蓓載啓大邦庶幾
泉扁知此愍飾

卷十九

祖朝議大夫贈少保撫辰贈太保制
昔于公治獄多陰德乃高大其閭門令容駟馬高蓋
車謂後世必有興者其子孫踵相躡為三公天之可
以青報如此具官某被服儒術策名鼎科澤加于民
僅躋卿位非此其身施于再葉省庭政路赫、巖瞻
寵及九原進升公保營魂不昧尚克享之

祖母嘉國夫人王氏贈蔡國夫人制

朕三聘老臣再登政地宏募題業既尊輩於邦基卹
典禮章必寵光其祖廟某氏勤組紉之事服圖史之
箴溫慈惠和稱于宗黨蕃衍盛大燕及聞孫位既峻

於台階恩益崇於王母小君惟舊大國始荒申加刻
密之封用展含飴之報

父承議郎贈太子大傅坦贈少傅制

人子之事其親常懷三釜之養大夫之祭於廟遂伸
五鼎之儀惟時儒先復陟台輔孰慰循陔之孝爰推
告第之恩具官某種學績文道潛乎聖域砥節礪行
名振乎俊躔斂六翮以早飛儕百僚而漫仕是生英
傑昏會明良運机籌於帷幄之中贊政化於陶鈞之
上積善必得其報教忠厥有自來幽窆甚光登春宮
之傳職愍章相繼榮左棘之新名尚其如存歆此無

數

母太原郡夫人王氏贈賀國夫人制

朕考兪齒黃髮之章見奉親之燕喜誦凱風寒泉之什知鞠子之劬勞常優錫類之恩用達揚名之孝矧吾樞極永愴杜園寬其霜露之思寵以山河之象某性專靜嫗德稟柔嘉婉厥名儒采藻謹宗祊之薦誨其哲嗣斷機擇師友之賢暨再應於台符彼有懷于甘旨從夫之氏有國在南乃開紫誥之封尚作黃壚之飾先靈不翳休寵是歆

妻永嘉郡夫人鄧氏贈和政郡夫人制

自古士大夫以詩書起家踐于丞弼非獨祖考燾後之祉也蓋亦有壺內之助焉某氏曾出名門輔佐君子柔德淑範齊芳管彤饋祀有年不克偕老已正魚軒之貴具膺鸞誥之榮改昨大邦式貢泉壤

范榮忠州防禦使制

朕記人之功惟恐事同而賞異師還遠徼可無飲至之恩乎具官某登鋒履刃衆推拳勇誓川扣楫有忠古人比總舟師往臨海道扞禦外侮威聲甚張歸休淮濱未忘武備班勞出綽用進州防益思奮忠以答殊獎

王選高州刺史制

胸山之役累月交兵猛士登陣乘機戰野推陷強敵
御清重圍守將之功爾居其最茲出褒典寵以州旗
益思竭忠用答恩獎

郭劉達州刺史制

日者狂虜闖邊薄我瓜渚爾輸忠買勇誓掃妖氛陷
陣卻敵厥功茂焉遙領州符茲為醜賞益圖衛社以
保榮名

徽猷閣侍制周執羔封贈

父朝奉大夫致仕庭俟贈右朝請大夫制

朕嗣服之始慶覃中外禁近之臣時方端憂則俟其
御祥琴而推禰廟之澤所以教天下之孝也其官某
盛德著于州閭美名馳于仕路一經教子入後出藩
黃髮厖眉享其榮養新阡屬耳禴典昂耒追命文階
用光廟祀

母宜人吳氏贈今人制

婦人從夫與子而貴夫為大夫子為卿夫存則封邑
不可踰其爵今亡矣故視其子無嫌也某氏徽柔莊
靖夙著壺彝三徙其隣克成賢嗣降年不永板輿養
闕宜家美號昔繫其夫聖善今名茲因其子推此協

華之澤慰夫念母之心

繼母宜人劉氏贈令人制

朕覃踐阼之澤于四海靡間存沒况後臣之親予某
氏出自名族嬪于儒門馴德淑行六姻所稱有子通
顯伸其孝思重泉有知歆此祿典

劉大辯太府寺主簿制

朕比下省官之令雖中都亦去冗自故九卿之屬丞
簿不並置惟司府兩丞亦得以簿代之蓋職掌文書
之繁俟人而後舉也爾以儒術決科好談古今治亂
事勾稽之任姑試尔才益據所長以若予采

度支員外郎吳嘯陞郎中制

在廷百官惟尚書郎以資歷淺深而為之別若身登
省戶則疇昔歲月雖分陰不弃也爾少有雋譽久於
剽繁司度劇曹甫觀所蘊爰稽官簿當應星文服此
寵榮益思自勉

商江等贈官制

爾等奮發忠勇氣吞腥羶力戰喪元名則不朽寵之
命秩式表重泉

賀允中資政殿大學士致仕制

出而謀國老成歟有典刑退則潔身君子所其明哲

惟時碩輔復返故山乃發渙章以先行李其官某志
驕富貴行中表儀強識博聞學周公仲尼之道同上
異曲有相如揚雄之風蚤踐禁涂進朕政路結眷知
於太上播膏澤於域中凡造膝之所陳或嬰鱗而
不避朕有懷耆德迎枚乘以蒲輪以壯本朝坐子房
於籌幄淵然素緇卓爾遠猶所賴股肱之良豈拘筋
力為禮覲封章之相繼納祿賜而欲歸念踰七望八
之年憇勞以事圖咸五登三之治重惜其行勉遂初
心用還舊物時款清閒之燕式全體貌之恩噫終始
三休不改赤松之樂古今一揆莫難黃髮之曲尚期

存闕之忠無廢憂時之論益頤頤養永介壽域

李進右武大夫制

瓜渚之役妖氛甚張倘非臬俊之臣孰建盪平之績
具官某精忠自誓勁勇不群探甲執兵蓋將死敵搴
旗斬將有以安邊既埽櫓槍遂全壁壘宜陟橫階之
峻用增尺籍之光益務捐軀以酬恩渙

吳芾吏部侍郎制

中臺六職小宰之列甚高選部三銓右班之事最劇
欲掄放紛淹滯之失須得嚴勁詳明之人克允僉期
時惟邦傑具官某學足以適先王之正識足以燭天

下之微頃獨步於臺端茲再儀於禁密批教如風霜
之奮纔見一班執政有瓜葛之嫌狼陳三至方賴回
天之助勉從易地之除大振紀綱盡資藻鏡革此舞
文之弊副吾立武之心益崇令名以對殊遇

陳俊卿知泉州制

閩粵之區泉南甚大倘非慈惠忠信之長曷絕中和
宣布之詩茲得其人無媿于古具官某器範夷雅議
論通明蚤登昂科休有華問振紀綱於憲府妙言語
於綸闈頃界是邦以疾為解顧左符之久闕申前命
而復行既里社之相鄰宜民情之素習當勵惟良之

政慰其耒暮之思

王槐孫趙士揚友循資制

西師出塞妻奏膚公爾奔走供軍前後無闕班勞進
秩服此寵休

呂擢直徽猷閣知建康府制

長江古為天塹建業今作陪都非智略輻湊有兼人
之長者不足以稱方伯連率之職甬才具縱橫馳轂
州縣盤根錯節迎刃有餘召對便朝信其可用乃躋
延閣超昇麟符夫高牙大纛掌我北門之管其望甚
重地居水陸舟車之衝一都會也其事甚繁內有熊

罷士卒之所屯外有扞防疆場之所係其責甚大惟
劉柔相濟施置協中則可以無過舉而有能名勉之
哉勿負予飾擢之意

保義郎閻拱降一官制

大治至行在所纔二千里爾部督綱舟私輒貿易所
過逐利踰年始來姑鐫一官服我輕典

敷文閣直學士王大寶轉一官致仕制

閔勞以事朝廷施優老之恩歸絜其身君子其遺榮
之美式遂雅志用增令名具官某養氣至剛逢原有
要瑞于鱣水世謂問生策之龍墀士皆斂避久遭迴

於外服晚馳騫於禁途得難進易退之風鑒倒行逆
施之迹夫引年知止所貴乎近臣稱疾旬休曷虞乎
清議茲披耒牘盡出至誠俾陟文階以娛里社光爾
柔榆之景視茲綸綺之言

李益謙戶部員外郎制

國家養兵之費浸廣取財之路難增欲不益賦而用
度足故地官甚難其選雖大小司徒心計於其山而
為之屬者可不擇哉爾學有淵源行中規矩久于外
官吏事甚習便坐賜對詳整可采郎官上應列宿躡
次而進當思有以助其長則予汝嘉

盤洲集卷第十九

盤洲文集卷第二十

外制二

徐嘉知紹興府制

千里之內曰畿去天則通十國為連有帥作牧非輕
美印踰時出綸示寵具官某襟懷夷粹問學精深再
登表著之班構見論思之益強胡犯塞伏使節而敢
前大郡承流惠民編而不擾顧稽山之巨屏拱狩岳
之行都事簡而有常俗醇而易治為吾填撫賴汝慈
祥當蹈亨鮮之言靡頌東溼之政徃哉夙夜對以春

秋

卷二十

尹樞右諫議大夫制

予違汝弼古存五諫之名君明臣良斯振七人之職
長茲言路尊我公朝具官某捧絮冰霜識侷著蔡蚤
陟小坡之列浸高橫榻之班殿上青蒲獲補闕拾遺
之益人中屈軼擅觸邪指佞之聲以仁義而竭誠不
沽激以干譽從容接畫慷慨憂時說必可行事皆有
據積此臺端之望峻其庭諍之權人主亦有逆鱗孰
云難犯忠臣謂之骨鯁無戒太剛益勉清埃以伸正
道

晁公武侍御史制

御史府風霜肅然遠近望而畏之南床最為雄劇非
修絜方聞之士寧利印而不予也爾貫穿古今通達
治體久勞于外事無不歷入朝三接滿歲九遷諫紙
臺評飽聞輶論憂時謀國具見公忠禁路乘驄孰曰
不可善、惡、益期盡言副我虛懷以休廣譽

參知政事王之望贈三代

曾祖遷太子少保制

士有積善於身播德於鄉而國有爵祿不霑于生前
則天之報施必在其孫子具官某清塵美行肩于古
人重義輕財
訟州閭以無怨公稱之我宗造

邦穀城以進士起家自其孫于茲三葉贊我萬機
流澤燾後信可取必三官三少用賁重泉靈爽未淪
服此嘉數

曾祖母向氏始興郡夫人邢氏永嘉郡夫人
制

國家之制官登朝列則寵及其父母一二股肱之臣
乃得追榮三世蓋德厚者流先德薄者流卑也某氏
歸于儒門允蹈女憲令儀令德詔燕聞孫陟乎泰階
增賁廟祀彫軒象服裂以名邦音徽不遐知有愍冊
祖石朝奉郎文太子少傅制

臧孫有後于魯管氏世祀于齊考于古而驗于今豈
其德則腆其報其官某抱道不展積行在躬居鄉高
月旦之評誨予有贏金之訓淮今碩輔乃爾孫技爰
推飾壤之恩以尉顯親之志亞于儲傳篆此密章明
靈如存益祚其慶

祖母安人黃氏昌元郡夫人制

朕延登邦傑進穆政塗式資康濟之材以成調一之
效爰申闋典用侈大門某氏婉靚凝姿溫良賦德克
謹蘋蘩之薦率循珩珮之和教子始登于儒科有孫
遂參于鈞軸積善之報榮無窮茲疏象掃之恩以

示松區之寵先靈不昧尚克享之

父左朝散郎綱太子少師制

天下之為人親者必欲其後致君澤民以踐其詩禮
之訓天下之為人子者必欲其身問安視膳以盡其
菽水之驩壯而至于三階極為臣之榮可以伸重茵
列鼎之養矣而白駒過隙風木興悲顧瞻在堂親不
相待非國家優其顯報之澤則亦何以尉孝子之心
乎其官其學耕文獲左右逢原破大邑之天荒拾儒
科如地芥恬於勢利袖手下僚有子車然材出儕輩
贊我為政倚之中興副其遠遠之思申以閔禔之冊

宮師之亞班品甚崇九原有知歆此無數

母碩人張氏清河郡夫人制

朕卧薪嘗膽思報朔庭謀昏予同時有人傑登之政
地資以興邦宜申告第之恩以顯擇鄰之訓某氏母
道慈篤閨風靚專儷德名儒騰芬姻戚惟尔哲嗣作
我大臣嗟黃髮之不遐使萬鍾之弗洎祿之翟第貴
及泉扃遺懿猶生邱章是寵

妻令人張氏咸安郡夫人制

詩首二南鵲巢詠鴈鴻之德禮分六服鞠衣參榆翟
之華惟公侯有開國之尊故湯沐以從夫為貴某氏

儀度嫻雅性資惠明婉于孺宗有夙夜相成之益相
其時祀竭春秋匪解之誠壹則甚章嬪風可法既宜
家而偕老見得路以躋榮茲䟽大郡之封以正小君
之位其祇茂渥益廣淑教

考功郎中沈度直祕閣知平江府制

吳門介藩審接行闕異時持橐之臣乞左符而不可
得爾以名字典郡威而不猛刃遊肯綮庭無逋事題
輿是邦廢有遺愛較自省戶寓直道山用增森戟之
重凡惠民戢吏聽訟理財之事不待丁寧之訓也惟
枕江連海戒于外虞監牧之政營屯之寄所以寬我

吳食者尔尚勉之

何熙志御史臺檢法官制

朕寄耳目于御史府疇咨時望以長風憲又使其舉
所知備寮案所以叅論議廣聰明公是非也爾博物
洽聞蒞官得譽御史以尔為蜀士之秀朕信之不疑
俾尔接武霜臺以俟簡拔非曰從事三尺法而已

沈清臣太學錄制

賢士之闕教法有掌譽素著衆豈心服尔通經術
嘗歷校官宜居學職振我序音

起居舍人季南壽直祕閣宮觀制

士大夫足入中都則 祿患失不知去朕甚病之爾
學問該洽嫻於文辭 周行滋有華問立螭簪筆
其地甚要典朕三禮 且為真雅意一丘銳然勇退
瀛州寓直休以叢祠益涵 業以俟妙東

陳大年循文林郎制

戎事既興邦有賞典尔能以輯濯助我邊防增秩之
榮用以勸衆

李喆贈奉議郎制

爾齋恨泉下嘗有郵章鄉邑臨蕃不復告第王師闢
土有子自言復出絲綸尚其歆服

錢宗俊承信郎制

富者嗇財一豪不拔爾能捐私積佐急公工登名右
列為爾之榮

歸正官張彥循儒林郎制

爾久淪羶御心在王室糾合義士分梨偽官幡然未
歸宜有褒賞益思策勵以荅恩休

虞允文瑞明殿學士同簽書樞密院事制

文武之憲萬邦政 於二柄帷幄之籌千里象寶
並于三階明良所其賡歌夙夜以之基命我有峻德
諧于僉言具官某挺昂霄聳壑之姿抱歛号淬鋒之

器前言往行發為議論之英大冊高文兼得典謨之體昨當牛渚之役獨勵戈舡之師一掃妖氛微管仲民其左衽再開莫府用李勣賢于長城既邊璫之周知殆戎殲之暗合夕烽報警清蹕戒嚴惟本兵式賴於傑材則料敵無逃於沉畫俾贊肩地共寧慶基噫齊有晏嬰遂獲折衝之致漢得汲黯可復發蒙之謀益務交修勿令專美

錢端禮端明殿學士左通議大夫簽書樞密院事兼提舉德壽宮制

天子守在四夷所貴禦戎之策公輔間于兩社均為

執政之臣厥任不輕非賢罔又具官某富淵源之學有夷雅之風獻納論思久掌民曹之計發縱指示嘗願莫府之權諭軍致見蓂莢之和料敵若著龜之智言皆可復忠在不欺朕德媿協華志期繼伐問安視膳欲伸天下之歡分職設官當建宮中之使若稽祖武歷選臣鄰乃疇經武之英俾替本兵之重庶仰司于慈禁仍外折于遐街賜以賢科循夫故事噫刷會稽之耻必以范蠡為師寢淮南之謀是資汲黯之力益思長轡同穆丕機用酬斯廣無窮之聞

魏勝贈節度使制

執干戈而衛社有先舍 之勳援枹鼓則忘身果狗
死綏之志特峻齋壇之 式高盟府之書尉厥營魂
渙茲愍冊具官其心 英邁胆畧驍雄慕中興銳將
之名有橫桃強胡之 城而歸義立漢幟以成
功易于析骸能堅 鍔甲砥劍遂換山陽之
符會敵國之窮兵出清 而犯境中流斷絕大振蒙
衝之威廣野交鋒獨賈螫弧之勇期戎麾之電掃驚
武帳之星沉嘉其盡忠為之屢歎神旗豹尾更增廟
食之榮羽林孤兒庸侈門資之澤諒其精爽歆此恩
休

張全贈拱衛大夫防禦使杜斌贈拱衛大夫
團練使季庠贈左武大夫團練使制

羽林拔距夙馳勇鷲之聲馬革裹尸共惜奇厖之逝
爰推卹典用尉營魂其官其材氣沉雄机謀超邁結
髮殆更於百戰治軍供舍于六艘名既冠于棘門勲
浸書于盟府欲執俘而擊鼓寧盡敵以死綏嘉爾孤
忠為之屢歎斷匈奴之臂莫遂壯圖歸先軫之元空
懷偉烈用崇橫品仍列遙防杜斌李庠尚其英靈知
此愍飾

知漳州王晞亮祕閣修撰致仕制

年至遂老乃大夫之常夜行不休亦古人所戒厥惟
持橐之彥豈復挂冠之拘爾抱器甚高策名茲久偃
儒紳而蹈景參懈律以含和再入京華遂騫禁密請
共爾位常馳封之聲疇若予工備罄論思之益一
麾去國五且民踵知止之高風上遺榮之需牘異
以論譖之職諧其燕閒之懷家有安車斯示子孫之
寵門施行馬不妨故舊之游益荷美名以綏壽嘏

王述石正言制

天子有爭臣所以使造膝盡規納君子無過之地中
外大小之臣有不飭其躬不稱其職者又得而糾之

爾篤學有立論議据經守正朕得爾於占奏之間裁
冠霜臺名出人右茲用真尔于諫省尔其公是公非
不吐剛茹柔以副朕耳目之寄

程叔達監察御史制

憲府有六察不獨檢核吏姦所以助臺中之許伸天
下之公也尔秉心端夷植學醇正題輿天府立政有
聲勾稽柏寺清論所與之冠豸茲號要津益思匪
躬以俟甄拔

曾遠浙西提點刑獄制

朕駐蹕吳中八郡民跬步可至帝城其銜寬

負枉者皆能訴于臺省大則搥鼓投匭不難也部使者材稱其職則民欣然得其直矣尔學有元本紹其家聲甚秀而文達于從政曲臺考禮正藉洽聞祥刑擇官畀以使節非獨寬我憂民之心亦以遂尔奉親之志

王彥落龍坤衛四廂都指揮使制

天子執賞罰之柄不可黨偏士卒變勇怯之心在乎激勵倘逡巡而不進與逗撓者何殊論既誼薄懲雖廢具官某蚤推沉勢遠有風聲由秦蜀萬里而來顛江淮一面之寄所期李勣為我長城寧使齊人笑

大百步方剋日俟濠梁之捷乃望風捨昭關而歸辟易如斯掃清河賴庸按出師之律少神退舍之誅屈此憲章鑄其廂部噫採姑繒之壁當圖畫敵之功復雁門之跡斯雪非夫之耻永懷寬典勿負異知

劉實落節度使制

將士之勇怯視賞罰於朝廷人主有勸懲采是非於公論衆之所咎朕不可私具官某蚤謂沉雄起之閑廢專揚楚一面之寄貔虎六師之權所期固守于金湯可以坐清于氛暨妖鋒之犯塞以闢軻而出淮當守時鏖戰之未分乃轅門陰拱而不動即以會

兵為解輒尔委城而歸分間如斯防邊焉用庸按治
軍之法少伸退舍之誅用奪齊旄特寬禁罔噫狙蒲
騷之役彼方逞于凶殘復雁門之騎汝尚追于賢範
能圖畫敵之報可雪非夫之羞勿負深知以崇永譽

惠迪國子博士制

博士秦官也非資稟淑茂道術通明者不足以居之
尔温故知新可以為師矣晨入成均則招諸生誨以
正心誠意之學豈止章句文藝云乎哉

吳芾徽猷閣直學士知臨安府制

京師蓋浩穰之地輦轂以殫壓為先威不振則盜賊

公行政之修則紀綱具舉必濟寬之有術斯拯弊而
無偏我得賢能使之尹正其官其材見寔用學非空
言頃違表著之班壘佩蕃宣之寄發植隱伏雖銖兩
之姦皆知撫字困窮無天寸之膚不受復入文部一
清武銓會天府之闕人稽輿言而出命顧覆車之當
戒期奠枕而相安前有趙而後三王遺風可想昔
無禱而今五綉惠露是宜用副選掄蓋思幹治

薛良朋直顯謨閣浙西轉運副使制

宇內漕輓皆置使者惟畿部治于帝所有劇繁之事
倉猝之須故選材非它道比今水潦之後民艱于食

倉庾亦不豐其儲使者得人則可以寬中吳之慮以
爾學遠識明長於吏道剖符持節有赫々名乃輟之
省闈任以計臺又罷之以謨訓之直雖尔以田廬姻
亞為言吾不以小嫌而妨寔用當辭茲意勉旃毋忽

朱夏卿權戶部侍郎制

四鄙宿兵大農之費益耗六官服采版部之任最難
惟得其人而理財則不益賦而足用疇咨在列選擢
非輕其官其稟資既良信道甚篤緣飾兼乎儒雅肯
縻發乎新硯入為司稼之卿嘗治供軍之政輸將二
浙勞動累年便朝每納其面陳輿論咸稱其心計惟

乃顯考相我慈闈取日虞淵獨高忠烈紬書金匱具
載勲庸有賢子之克家見流風之熏後當茲多壘所
貴寔材超地官筆橐之班提天下貨泉之柄勉圖振
職休于前人

王稽中考功負外郎制

司績大夫掌仕者增秩之政吏或扶拾細故逞其私
欲梗之毫釐夫以千里以尔挺介特之搯有剗嚴之
聲乃自憲臺徙之卽位使在選者無沮仰滯苗之歎
則與明目張胆時無以異也

趙禹閣門祇候制

上閣之職右列所禁莫府以尔取軍有律宜用旌賞
勉思報國無媿息章

魏邛武功大夫忠州刺史制

漢人取從軍死事之子孫養於羽林教以五兵號曰
羽林孤兒有征伐之役則選用之汝父此首死敵忠
勇無雙汝年雖未冠朕不惜高秩厚祿俟汝襲乃父
之品戎戎者不戴天之仇也其思所以報之

唐克封殿中侍御史制

天下之是非不公則有諫官御史寄一人之耳目以
筆端挽黜陟之柄若隱之不聰視之不明則白黑弗

分而玉石俱焚矣以爾學為醇儒行為莊士論議正
直無所偏黨主盟賢閎士不踰矩宜執霜簡接武赤
墀使愼士歛衽善良伸氣則朕有知人之哲而汝無
負於風聞顧不休哉

盤洲文集卷第二十

全前計



